

KANA MULI KI MANI YOO?

 Ki kakusasana, balikani. Ni talima taba ye kuba litohonolo fa kuba mwa keleke mo. Mi mane Na lata libizo lateni ka kukala. I bizwa kuli "Libizo la Jesu." Na lata cwalo. Mi Ni—Ni sepa kuli leo—leo... Kona Libizo le Ni pilisizwe ka lona, lona Libizo lelinde leo la Mulena Jesu. Mi ni kuba mo ni balikani baka babande, ku to kopanela mo la Sunda yende ye kakusasana, ona mwa Phoenix mo, Hani zibi sibaka kaufela ko Ni kona kuba, konji haiba ki mwa Kanya ni mina kaufela. Mi wo kona mukiti tuna o lu libelezi kuezahala zazi leliñwi.

² Mi Ne nina ni—ni pizo ya bakuli, ha ni taha, kacenu. Mi ne Ni ambola ni Muzwale Outlaw, mulikana ka yomunde, mi kihakiha ni mema ka musa luli kuli—kuli ni tahe. Mi bakutazi kaufela kwanu kwa Phoenix babile babande luli kuna.

³ Na komokanga fokuñwi kuli kiñi ha Ni tutezi kwa Tucson. Ni bile kulo kwani myaha yemilalu, mi ha ni si ka memiwa fateni kwa katala kaufela. Kacwalo Ni sepa kuli Ni na... ni kueza fela za—za kupotela kwanu kwa Tucson... kamba kwanu kwa Phoenix, ko Ni i kutwa kuli ni amuhezwi. Kihande, mwendi ba ka ni twaela nako yeñwi... Mwa ziba, Ne ni kutalize kwani busihu bobuñwi, ni kukutaza lihola zetalu; ki kabakaleo ha ne ba si ka ni kupa kukutela kwateni.

⁴ Kono Ni nani maikuto a—a cwalo mwa pilu yaka ku Mulimu ni sicaba sa Hae. Mi Ni na ni bunya hahulu, mi Ni—Ni saba kuli Ni ka siya nto yeñwi mi kusina kuba ni zeñata, mi Ni beya mwendi mañusa amalalu kamba amane ku li liliñwi. Kacwalo Na luli... ku mina sicaba bene bali kwani, Ni kupa swalelo ka ku mi inisa nako yeteletele cwalo. Ne ni sa lukeli kueza cwalo.

⁵ Mi hape ki tabo kakusasana cwana fa kuba mo ni Muzwale Carl Williams, ni Jimmy yomunyinyani kwanu, ni sikhata sa baopeli, ni mulikana ka wa mizwale ba Mosley; kubona Brad, Muzwale John Sharrit, ni buñata bwa balikani baka; Muzwale Pat Tyler, fa, yazwa kwani kwa Kentucky, mi—mi—mi ni balikani babañata hahulu kuli ba kopane fela mwa—mwa puteho ye kakusasana cwana. Mwabona, ni boni buñata bwa balikani baka kuzwa kwa Tucson ni zeñwi cwalo, baba inzi mo.

⁶ Ni nahana ka za kuli, zazi leliñwi ze kaufela ha se li felile, mi luka kopana ko luka... haluna ku... haluna—haluna kutuhela ku teeleeza kwa lipina zende ze, mwa bona. Ni lemuhile fela kuli mwana Muzwale Williams wa mushimani, yainezi kwa mulaho kwani, nafile bupaki busihu bobuñwi kwani kwa Ramada Inn. Mi Ni sepa kuli yena butelele bwa hae bu bata kulikana ni liñokolwa ze silezi. Kono Na mi bulelela, kasamulaho wa bupaki bwani, Ni lumela kuli neli yomutelele ka liñokolwa ze lishumi.

Yena fela... Luli ni itumezi ka za bulezi mushimani yani, neli bupaki bobunde luli.

⁷ Ha Ni utwa banana ba inge bafa bupaki ka tumelo yabona ye tomile ku Kreste... Mi Na—Na ni ya ni supala, mi Na... zazi leliñwi Ni lukela ku—ku—ku tuhela ni kuya kwa Hae. Ni kubona banana bataha ka kuitukisa cwalo, mi ba itukisize ku zwelapili fo Ni ka siyela... Mi cwalo kona mo lu ezezanga. Cwalo kona mo buinezi bupilo. Kuli luna... lusika loluñwi lu ka pahama... mi ndate ni me. Mi ba ka hulisa banana, ni ku ba bona ha ba nyala; mi ni baikulu batahe mwa mulaho. Mi kasamulaho nyana, ndate wa Ndate ni Me ba ya kwa liluli. Mi cwale, ka nako yani, bana cwa ba ka lukiseza baikulu; mi kuzwa fani ba shetumuka ni kuya. Kono ku kaba zuho yetuna, yetuna tuna leliñwi la mazazi aa. Kaufela luna lu ka bizezwa fa Pila Mulimu kuli lu yo ikalabela ka se lu ezize ni sa lufile Mulimu: Jesu Kreste. Mi kacwalo, Ni tabile hahulu ka kuziba kuli Ni pilile mwa lusika lo ni sikuwata sesinde sa batu, babaliteni mwa mwahala lifasi, bao Ni katani. Ni—Ni fela—fela ni itumela hahulu ku Mulimu. Mi zazi leliñwi fo lipizo zaka ha li ka taha, kihande, Nika—Nika yo katana misebezi ye Ni ezize. Ni bata kuli kaufela yona i be kwa kanya ni likute la Mulimu.

⁸ Kuna ni lika zeñata hahulu sina ha Ni... lu atumela Mwaha o Munca zeo Ni—Ni lakaza kuli kambe Ne—ne ni ka libala, kono Ni ziba kuli Ni li bakezi kuyena ka kuba ze fosahalile ku Yena mi—mi U li kashelize mwa Liwate la Kulibala, mi Haana ku li hopula ni kamuta. Cwale mwabona, luna ha lu si ka bupiwa cwalo, lu kana luhupulanga. Lwa kona ku swalelana, kono halu—halu koni kulibala kwateni kakuli lu—lu—lu bupilwe ka kushutana. Kono Mulimu wakona ku li swalela ni ku libala. U kona kasheza fela kwa mulaho inge kuli za li kuba liezahale. Mwabona? Kakuli Yena waziba ko kufumaneha Liwate la Kulibala, kono luna haluzibi. Munahane fela ka zona, kuli Mulimu hakoni mane kuhupula kuli lu kile lwa eza sibi. Munahane ka zeo! Kwaya, mina babanca, kucwani haiba... kucwani he ka zeo? Mulimu mane ha hopuli kuli lu ezize sibi. Mwabona, Wa kona kulibala lika kaufela, mi mane halina kutiswa mwa kupuzo ya hae neba hanyinyani. Kana seo ha ki sesinde nji?

⁹ Se ha kisibaka sa kuezeza lisheha. Ha ni lumeli mwa kueza lisheha ni kubapala fa... Si ni hopulisa za—za mulikana ka. Sa ile mwa Kanya cwale. Kono na—na bulezi likande nyana nako yeñwi, kaza—kaza lapa lene li tutezi kwa tolopo mi... kuzwa kwa hae. Mi neba na ni... Mutu ni musala hae yo nebana ni ndate wa mucembele, mi yena luli nali fa mulilo wa Mulimu. Kacwalo musizana yomunyinyani (yani neli yena ndata he, yena...), kacwalo na keni mwa sikuwata sesiñwi sa batu. Mwa ziba, ko muna ni mikwa ye kaufela ya zwelopili mwa lipapali.

Mi kacwalo, na lukela kuba ni kuitabisa cwalo zazi lani mwa lapa la hae.

¹⁰ Mi—mi bo—bo ndatahe, kasamulaho bamano ba ni sico sa bona sa musihali, kiñi ba—ba nga fela Bibebe ni kuzwela fande ni ku yo ipalela fa nako nyana. Ni ku I lulafafasi, ni kukala kulila, ni kuhuwa, ni kulila, ni kuzwelapili cwalo, ni kutina magilasi a bona ni kubala hape. Mi ba fumana sesiñwi, ni kutubula magilasi a bona ni kukalisa kulila ni kuhuwa. Musizana ali, “Zeo li ka lyanganisa mukiti waka kacwalo Ni—Ni—Ni na ni ku...; Ni lukela kueza sesiñwi ni Bondate, mi ha Ni zibi sa kueza.” Kacwalo a iketela kuli uka ba isa fa muzuzu wa fahalimu a situwa, mi se bayaa mwa—mwa sibaka sani.

¹¹ Mi—mi musizana akala kunahana kuli, “Kihande cwale, Ha ni koni ku bafa Bibebe ya bona, kakuli ba kaeza zeswana fahalimu fani.” Kona kuli sa bafa fela buka ya Geography ni ku ba bulelela kuli bapahame fahalimu fani. Ali, “Tate, buhuhe kwateni maswaniso a lifasi ni lika zeñwi haluswelu kuba ni mukiti.” Mi ali, “Haluna kulyeha hahulu. Luka—luka ka feza kapili... Mu ka tuluka fa nako fela yelikani.” Ali, “Ni ziba kuli hamutabeli kufumaneha ko kuna ni basali cwalo.”

¹² Ki hali, “Batili, zeo li lukile, mulatiwa. Nika—Nika paahama fela fahalimu fani.”

¹³ Kacwalo kiha... A ba beela liseli ni sibaka nyana. Mi ahupula kuli, “Kihande, ani—ani kona mafelelezo. Cwale, ba ka buha fela maswaniso ni kubala nyana za—za zebupilwe, mi ni... mi kasamulaho nyana ba ka tuluka. Mi ku kaba fela hande.”

¹⁴ Mi fa nako ye ne bali bafite fahala kuinwela lino zabona ze ezizwe fa lemune, mwa ziba, ni kuba ni mukiti wabona... Neli kasamulaho nyana, ndu yakala kunyungana, mi muuna muhulu akala kumata mata kwa ni kwa fa bulilo fahalimu fani inza tulaka. Mi—mi musizana ahupula kuli, “Kiñi se si ezahalile kubona? Hanili ne ba si na Bibebe fahalimu fani. Mwendi... Ba byanguzi Bibebe ye ba fumani.”

¹⁵ Kacwalo a matela fa mahatelo, mi ali, “Tate!” Ali, “Yeo ha ki Bibebe yemusweli kubala. Ki buka ya za Pupo.”

¹⁶ Ki hali, “Na ziba cwalo, mulatiwa. Na ziba cwalo! Kono” ali, “wa ziba, zazi leliñwi ha ne Ni bala Bibebe Jesu fa na bulezi kuli U beile libi zaluna mwa Liwate la Kulibala, wabona, mi haana ku li hupula ni kamuta. Mi Ne ni sweli kubala mo kuna ni fo ba bulezi kuli bapalezwi kufumana lilaho la liwate mwa libaka zeñwi, mwa buka ye ya Pupo.” Ali, “Nahana fela, li sa ya.”

¹⁷ Sani ne si mu tabisa. Kacwalo mwakona kufumana Mulimu kaufela ko mutualimela. Mwabona, haiba mukona fela kutilima kwa ni kwa, lika kaufela li ka Mu ambolela kwateni.

¹⁸ Cwale luli, ka kusepahala, Ne—Ne ni bulelezi Muzwale Outlaw, “Ki sikamañi se Ni ka bulela kakusasana cwana? Kana u kutalize fa liñusa la hao la Kilisimasi?”

Ali, “Eeni.”

Se nili, “Liñusa la hao la Mwaha Omunca bo?”

“Batili.”

¹⁹ Kacwalo, Ne ni na ni litaba zeñwi fa haiba Ni ka ba ni kumemiwa kokuñwi, Ni ka bulela Liñusa la ka la Silimo Sesinca. Ne ni hupula kuli Ni ka siyela seo ku Muzwale Outlaw, sunda yetaha.

²⁰ Kacwalo Ni hupuzi fela kuli Ni tise palo nyana ye ye kina ku lu buluka fa mizuzu yelikani, haiba Mulena a lata. Mi lu sepa kuli Uka lu fuyola. Ni bata ku itumela ku Muzwale Outlaw ni keleke kwanu, ka ku ni memanga kuli ni kutaze kwanu. Mi Na . . . Sina Muzwale Outlaw ha ize, kuli “silikani sa luna ha si si ka cisiwa kale,” kono sishemo sa Mulimu si lu bulukile mwahala myaha ye kaufela. Ye kona keleke yapili yene ni memile, mi ha Ni taha ku yona, neli kwa Phoenix.

²¹ Na ziba . . . Na lumela Ni talimela Muzwale Trow, fa. Ha ni zibi hande . . . uinezi kwapata. Kana ki niti yeo, Muzwale Trow? Ni lumela kuli naliteni ka nako yani. Ni nani zeñwi zelikani zana ni file ka nako yani; zenyinyani . . . ba li bupa bupa kamba nto yeñwi. Mwa ziba, tuka totunyinyani twa kopa kuzwa kwanu ko mupila. Mi ha mutualima . . . Mi Na komoka mo ku ka yo bela kakusasana wani ha lu ya silela mwabule, mwa ziba, ni ku yo bona sicaba . . . ba li, “Kihande, kuna . . .” Mwa ziba, lu ka bonahala ka kushutana hahulu nako yani, kufita mo lubonahalela cwale. Lu ka yo . . . Yeo ki niti. Haluna ku yo ba ni lisupo za sibi kamba za busupali. Lu ka yo petahala. Oh, Ni lakaza nako yeo (mina bo?) ko matata a ka yo fela.

²² Mi cwale, Nina ni Liñusa lelizwa ku Mulimu le Ni—Ni ikutwa. Mi Ni . . . Hani lati kuba ya shutana, kono Ni lukela kuba ya sepahala. Mi haiba ha Ni buleli buikolwisiso bwaka, konakuli hamukoni kuba ni sepo ku na. Kakuli Ni—Ni—Ni ka ba inge mulwanisi kamba muipi. Mi Ni—Ni bata kuba sika sisili fela kwanda seo, mwa bona. Nakona kulatehelwa ki balikani nyana fa lifasi, kono Ni—Ni bata kupila ka kusepahala kwa buikolwisiso bwaka, ku se Ni nahana kuli si lukile.

²³ Cwale, lilimo za kwa mulaho, neli nto ye bunolo hahulu hane Ni kalile lwapili; ni lisupo, ni liñusa, ni kukutaza. Kai ni kai nekuna ni lizoho le li kwaluhile la kuli, “Taha! Taha! Taha!” Kono he, mwa bona, sisupo sa niti kaufela se si zwa ku Mulimu sina ni—ni Liñusa, ni Linzwi. Mwabona, Le li si latelela. Haiba ha kubi cwalo . . . Mulimu ha fangi sika kaufela ka lisheha fela la ku si fa. U—U lumanga sika kuli si ebelise ngana iye ku Sa bata kubulela. Sina mo lubezi ni sikhata sesinde se sa kwaya

mo si ezelize; ne si lukela kueza sikamañi? Ku kuzisa batu kwa liñusa le ne litaha.

²⁴ Sani kona—sani kona ze si eza sisupo. Mushe nana ni lisupo ze ne lu bulezi busihu bobuñwi, mi lisupo zani nelina ni Manzwi. Mi ni . . . fani Linzwi ha li bulela . . . Jesu na ile ni yena inza folisa bakuli. Nali Muuna yomutuna. Kono hane se ili nako ya kuli—kuli Mupolofita yani, yanali mwa lifasi . . . Yene ba sina fa myaha ye mianda yemine, mi fa Nali mwa lifasi inza eza lisupo. Mi ha Nali “mucaha yomunde,” mañi ni mañi na Mu bata. Kono cwale Liñusa lene li latelezi sisupo sani (lona Linzwi) . . . ha Na inzifafasi zazi leliñwi, ni kubulela kuli, “Na ni Ndate lu Nto Iliñwi.” Oh, mawi! Sani—sani—sani neli se si shutani kwatensi. Neba—neba sa si tabeli sani. Mwabona?

²⁵ Mi sani . . . lifasi ki le li tiile fela sina cwalo, balikani. Mwabona? Bona . . . sika kaufela se bakona kufumana, haiba bakona—bakona se ba kona kuitusa kasona, mwa bona . . . Seo ba—seo ba ikutwa kuli haibile fela ha si ba filikanyi, kiñi, baka—baka si eza. Kono ha se ili nako ya kuli ba lukela kucinca mihipulopyabona ka lika, fani kona fo ne kutachezi butata.

²⁶ Cwale, mwabona, lu yaha muyaho, isiñi limota. Bayahi ba bata kunga mundandwe wa masitina ni kushetumuka ni ona onacwalo. Cwale, muyahi kaufela wakona kuyaha ka mukwa o cwalo. Kono si lwala muyahi yomunde wa sikkala kuli asikuluhe fa lilulu. Mwabona? Hauna ni kuloba kona mwa lilulu, yani kona nako yeo kutokwahala . . . si bonisa kuli wena—wena u muyahi luli wa sikkala kamba nee; haiba ukona ku lomona hande, ni kuzwelapili kuyaha ona cwalo neku leliñwi la muyaho, kono ki fa lilulu. Cwale ki kuona malulu ani kona fo kuna ni matata. Bayahi ba tabela kuyahanga fela inge bazwelapili kushetumuka ni mulaini cwalo. Kono ha lu yahi limota; kono, ki muyaho.

²⁷ Cwale, halunze lu atumela se, kakusasana cwana, mu ni lapelele kwatensi, mi Ni ka . . . Na ni mi lapelela kamita. Mi cwale, halu inamiseñi litoho za luna fa nako nyana fa Pila Jehova Mulimu Yomutuna. Mi lu lemuha ku sa likana kwaluna; kaufela luna kuikutwa cwalo. Mi haluna neba yomukana mwahali mo ya shutana kono kaufela lwa shutana. Mi ha Ni zibi, halunze lu lapela, kuli haiba kuna ni yomukana wa mina yana ni ze ipitezi?

²⁸ Mwa ziba, Mulimu ya sa palelwi, sina hane Ni bulezi kwanu kwa Phoenix zazi leliñwi mwa—mwa mukopano kwanu . . . Inge fela mazimumwangala, a taha, Kreste uteni ona mwa muyaho mo cwale. Mwabona, muzamao kaufela o mu eza, nako kaufela ha mu kobya liito la mina, halina kushwa. Ki mwahala mandinda a mioya ya mwa mbyumbiyulu. Mazimumwangala ha i kezezi zeo. Ona anga fela kushenya kwa mina ko, ni ku libonisa fa sikirini. Liteni kupale kumane. Kamita libile teñi. Muzamao kaufela o kile wa eza u sa pila, mwa mbyumbiyulu. Cwale mwa bona se lu ka yo ba sona kwa katulo?

²⁹ Kacwalo, Mulimu uteni mo ka mukwa o swana. Ha lu Mu boni, inge fela ha lu sa boni maswaniso a mazimumwangala ani. Si lwala muhala omuñwi kamba siemba sesiñwi kuli si nope linzwi, ni ku litisa hape mwa siswaniso kamba zeñwi cwalo. Zeo neliliteni fa nako yani Adama ha nali mwa lifasi, kono kona lu li fumana fela. Mulimu uteni mo kakusasana cwana. Mi leliñwi la mazazi aa, mwa Mileniamu, lu ka lemuha. Ikaba ye ipitezi hahulu kufita mazimumwangala kamba lika zeñwi, kuli Nali ona mwa mukopano wo kakusasana cwana.

³⁰ Cwale halunze luli...fa muhupulo woo, mubuluke mwa lipilu zamina ze mutikwile, ni kunanula fela lizoho la hao ku Yena. Kikuli mu ka eza cwalo? Muli, “Mulena,...” Mi mwa pilu ya hao, unahane ka muhupulo woo.

³¹ Cwale, Ndate yakwa Lihalimu, luna ni fela kolo iliñwi ye, mi yani ki ka nzila ya tapelo. Mi lu—lu taha ka Libizo la Mulena Jesu. Halu—halu swaneli ku bulela Libizo, ku itusisa Lona. Ha lu... hakuna mukwa wa kuli lu nahana kuli lwa swanelia, kono kakuli lu memilwe kuli lu eze cwalo. Mi ka kuziba cwana, kuli Na ize, “Haiba mu kupa Ndate sika kaufela ka Libizo la Ka, Nika—Nika—Nika lumeleza cwalo.” Mi luna... haiba tumelo yaluna ikona fela kuyemela mwa mulaho wa fani kakuba Linzwi la Hae, ni Yo ali Yena, konakuli lu kolwa kuli lu ka ba ni se lu kupile. U boni kupo kaufela. U boni lizoho laka. U ziba kupo yaka.

³² Mi Ndate, Ni lapelela mañi ni mañi wa bona. Kuli lika kaufela ze ba tokwa... Mulena, Hani lumeli kuli sikwata se si swana sina se si ka kupa ze fosahalile. Ikona kuba nto ye ka zwisezapili mubuso wabona, ikona kuba ka foliso ya bona, ni ka kueza cwalo, ba tabela, kamba kutwisiso ya bona fela, neba ka tabela cwalo kuli ba kone kufiteleza Mubuso wa Mulimu.

³³ Mi Na lapela, Mulimu, kuli mañi ni mañi kupo ya hae i alabiwe. Fuyola keleke ye, mulisana wa yona, balikani ba yona, ni madikoni, basepahali, ba sikwata sa bona kaufela, baenyi, bapoti. Ha ki baenyi, Mulena. Luna kaufela lu bana ba Hao ka sisshemo ni ka Kreste. Mi lu lapela kuli U lufe kakusasana cwana Sinkwa sa Bupilo cwale, kuli lukone kuzwa mo ka kutwisiso ya kuli ze lu kupile ze li filwe ku luna.

³⁴ Fuyola Linzwi, Mulena, hanze Ni Li bala. Hakuna mutu ya—ya kona kutoloka Linzwi lani ka swanelo luli. Joani naboni Buka mwa lizoho la Ya inzi fa Lubona, mi nekusina ni yomukana mwa Lihalimu, kamba fa lifasi, kamba mwatasila lifasi ya na swanelia nihaiba kutilima fa Buka. Kono alimuñwi wa babahulu ali, “Bona, Ngu-...Tau ya Lusika lwa Juda i komile.” Joani, ha talima kuli abone—abone tau, a bona Ngunyana ya na tabilwe, neli—neli Ngunyana ye lota mali mi ya taha ku tonga Buka, ya pahama fa Lubona ni ku yo ina. Mi baika kaufela ba Lihalimu batubula mishukwe yabona kwa litoho zabona ni ku wa ka mañwele ni kuziba kuli ki Yena ya swanelia.

³⁵ Mulena, lu lapela kuli Atahe kwa Lubona lwa lipilu zaluna kakusasana cwana. Pahama mi u ikungele muhupulo kaufela o lu nani, ni kunga Linzwi ni kubulela ku luna kuli lukone kuziba zeñata ka Yena ni mulelo wa Hae mwa bupilo bwa luna. Lwa kupa ka Libizo la Jesu. Amen.

³⁶ Cwale, haiba mubata kuapula mwa Bibele kwa... Mañolo a fumaneha ku Muñoli Mateu kauhanyo ya 21, ni kukala ka... Ni sepa kuli lubala fa—fa 10 ni timana ya 11 mwa kauhanyo ya 21 ya Mateu. Mubone hande kuli, ha mu ta ya kwa mandu, haiba ha mu si ka eza kale mwa mazazi a pumulo aa, haiba mukona kubala kauhanyo ye kaufela. Ki yende luli. Kaufela ki zende. Sihulu ye, ka nako yee, ni ka Liñusa le Ni sepa kuli Moya o Kenile a ni lumelelize kutisa ku mina kakusasana cwana.

³⁷ Mulemuhe timana ya 10 halunze lu bala, ni timana ya 11.

Cwale ha kena mwa Jerusalema, munzi kaufela wa yema maefe-efe, mi ba li, Ki mañi yoo?

Mi buñata bwa li, Yo ki Jesu mupolofita wa Nazareta wa kwa Galilea.

Cwale halu... Mulimu aekeze kwa Linzwi la Hae yona—yona tuto ya Liñolo le ha i bala.

³⁸ Cwale, lu ziba nako ye mo iinezi, mi buñata bwa mina mwa ziba Liñolo lateni la kauhanyo tuna yee. Ki fa...luli ka lizazi leo Kreste natile mwa Jerusalema, inza pahami fa tonki ya hae yenyinyani. Mi luna...Kuna ni litangu le li bulela kuli “neli tonki yesweu.” Na akaleza, ka mubonahalelo wa kutaha kwa Hae kwa bubeli fa pelesa. Nako yani, mupolofita naize, kuli “Uka pahama...Mulena hao utaha ku wena fa mwana mbongolo, mi u ikokobelize mi u i shuwile.” Kona mwa Na tezi mi—mi... apahami fa—fa mwana tonki, mulwali nyana wa milwalo. Kono nako yetatama U zwelela mwa Kanya (mwa kauhanyo ya 19 ya Sinulo), U taha sina Mukomi Yamata kaufela. Sapalo sa hae ne si cimbekilwe mwa mali, inge a pahami fa pizi yesweu, mi mpi ya Lihalimu kaufela ya Mu latelela fa lipizi zesweu. Mi litangu (ha ki ka mañolo kamba za kale)...Kono litangu li lumela kuli Na pahami pelesa yenyinyani ha Na taha mwa Jerusalema.

³⁹ Cwale seo...Ni ketile ye...isali teni...kakuli lu sa li mwa miluti ya...kamba mwa nako ya buino bwa Kilisimasi, ni—ni Mwaha Omunca; kufela kwa silimo sa kale, ni kutisa mwateni sesiñwi kuba sesinca. Mazazi a likani kuzwa cwale, batu babañata ba ka apula makepe amanca ni—ni kueza lika zenza ni kubulela kufa kuipa ko kunca; mi ki kukalisa kwa silimo se sinca. Mi ha si bonahali kuna inge kuli ki Kilisimasi. Ha ni zibi libaka, Ni tabla kamita ku li biza kuli “Lizazi la Santa Claus.” Mwabona? Kakuli hakuna hahulu zeñata...

⁴⁰ Haikoni kuba lizazi la kupepwa kwa Kreste. Mane halikon fela kuba lona. Na lukela kupepwa mwa kweli ya Liatamanyi kamba Lungu, kakuli Na li Ngunnyana. Mi Nali ngu ya muuna mi

a pepelwa mwatasa sisupo sa *totolo*, yesibizwa Aries. Neina ni kuba cwalo, mwabona. Mi—mi lingu ha li pepwangi ka kweli ya Ñulule nihakuli cwalo. Lingu li pepwanga ka Nako ya Maliha. Mi cwale nto yeñwi, malundu a Judea cwale, kuna ni liñokolwa ze mashumi amabeli za mbundu ku ona. Kana balisana ne ba kaba cwani kwande kwani?

⁴¹ Kacwalo kona kuli lizwelela kwa matangu a Maroma, ye neli kupuzo ya kuopepwa kwa mulimu wa lizazi. Lizazi ha liya cwalo, mazazi aba amatelele ni butelele, mi masihu aya aba amakuswani. Mi mwahala 20 ni la 25 Ñulule ki kuopepwa kwa lizazi, mwatasa matangu a Maroma—Maroma. Mi cwale balimu ba bona... Mi kipeto ba nyakalala kuopepwa kwa mulimu wa lizazi. Mi Constantine, ni—ni ku kutisa mulao wa keleke ni wa naha ni zeñwi cwalo, ki hali, “Lu ka li cinca” (kusina kuziba kuli neli lizazi lifi) “ni ku libeya fa kuopepwa kwa mwana wa lizazi, ni kueza kuli: *Kuopepwa kwa Mwan'a Mulimu.*” Mwabona? Leo... Kono ha lu zibi kuli neli lizazi mañi.

⁴² Kono cwale, kuna ni zeñata hahulu zetalimwa kuli ki za Kreste, kufitela iba lika kaufela zeo... hape, likutela hape kwa matangu a sibupiwa se si kile sa pila nako yeñwi, ka mo ku bulelawa, neli mutu wa libizo la Saint Nicholas kamba—kamba Kris Kringle, litangu leliñwi la si German. Mi kaufela zeo ki litangu, mi Kreste ha yo mwateni ni hanyinyani.

⁴³ Mi sicaba sifetuhile mwa kulekaka zekola, ni—ni kulaula ka masheleñi, ni mitinelo yeminca. Mi ni—ni mutu ya... mulekisi ya kona kulekisa libyana za hae mwa nako ya Kilisimasi ukona kupila mwaha kaufela ni zona, cwalo. Mwabona? Ki pumulo yetuna luli cwalo, ka za litekisano. Mi banana babasa zibi ze ezahala mwa mukwakwa; bashemi ba bona haba koni ku—ku ba potela ni—ni mpo, inge yezwa ku Santa Claus, mi ba ka itamaela mwa mukwakwa, ni mazoho abona amasisani atezi masila ni meto abona ali kufubela telee. Ni—Ni toile fela ku li bona ha litaha cwalo. I lukela kuba lizazi la milapelo ku Mulimu, kufita kuba kuikulisa pili ni kuopa toho ka lika ze ezahalanga. Hakuna ze ama Kreste ka lona. Kono mane se lu li mwahala zona cwale.

⁴⁴ Lu ipumana kuba, ni sesiñwi inge sene bali bona linako zani. Mwabona, seli kukena fela cwlae mwa mukiti omutuna. Jesu na taha kwa Mukiti wa Paseka. Mi Akena mwa Jerusalema... kamba na sweli kukena mwa Jerusalema. Mi bupolofita bwa lika kamukana za Na ezize ne bu na ni kutalelezwa. Liki kaufela mwa Bibele lina ni taluso. Libizo kaufela lina ni taluso. Hakuna se si ñozwi mwa Mañolo se si sina taluso kono kaufela lina—lina ni taluso yekwanile hande.

⁴⁵ Ne ni bulezi busihu bobuñwi kwa Tucson, kuli *Kiñi Hane Ibile Balisana Mwa Sibaka Sa Kuba Baituti Baza Bulapeli?* Na pepezwi bukaufi luli ni keleke. Mi Moya o Kenile uya mwa lihalupa ku yo nopa, isiñi baituti ba za bumulimu, kono

balisana. Ne i lukela kuba ona cwalo. Baituti ba za bulapeli ne ba sike balumela Liñusa leo. Kacwalo bona nebana ni...neina ni kuba balisana.

⁴⁶ Ne ni kutalize kwanu, myaha nyana yefitile, myaha yemibeli kwa mulaho kuli, *Ki Kabakalañi, Ha Ne Ina Ni kuba Betelehema Yomunyinyani?* Mulena ha lata, Kilisimasi yetatama, Ni bata kuli lu kutaze ka yona, *Kiñi Hane I Lukela Kuba Baana Baba Butali?* Ba *Kiñi?*: bana ni likalabo ku zona, mi liteni ona mwa Bibele mo. Mi lupila mwa nako yende, nako yende hahulu mwahala masika kaufela. Lupila cwale nako yeo, ka nako ifi kaufela sika...nako yakona kufela mi Kuakuile kwakona kukena mwateni ni kuzwelapili. Masika ao bapolofita kaufela ni babutali kamukana ne ba libelezi kubona. Lu lukela kuba hola kaufela fa musebezi wa luna, lunze lu libelezi kutaha kwa Hae.

⁴⁷ Lu ipumana ili luna, fa Kilisimasi ye, inge fela mo ne ba ezelize kwa Kilisimasi yapili mane. Lifasi se lili fela bukaufi ni kuikaba fahali. Sina hane Ni kutalize lwapili, kokuñwi, ka liñusa la Kilisimasi, *Lifasi La Ikaba Fahali*. Mi lifasi hape se li sutelezi fela kuikaba mwa liembaemba. Mutualime fa lizikinyeho mo mwa California. Na nuha, ku si ba kale kutaha kwa Mulena Jesu, kuli Mulimu uka tibisa sibaka sani. Ni lumela kuli Hollywood ni Los Angeles, ni libaka za masila zani kwani, kuli Mulimu Yamata kaufela uka li tibisa. Li ka tiba mwatasa liwate. Mi ki sibi sesiñata hahulu, mwa bona, ki sitibiso.

⁴⁸ Zwelopili izamaile ni lizazi, kuzwa... mi ikalezi kwa Upa, kuya kwa wiko. Mi cwale se ili kwa Likamba la Wiko. Haiba i ya kwahule hule, i ka kutela kwa Upa hape. Kacwalo lwani kona lukwakwa. Mi sibi si zamaile ni zwelopili, mi iba simbotela sa masika kaufela. Likia ze ba eza zeo—zeo batu ba mwa lusika lusili ne ba si ke ba nahana nto yecwalo. Musali u ikenyize mwa masila a cwalo, kufitela mane hakuna musali mwa lusika lufi kaufela yakona ku nahana sika se si swana ni se lueza kacenu. Mi niteñi luipiza kuli lu Bakreste. Ha ki maswabisa ni ao!

⁴⁹ Ki kabakaleo mupolofita yomutuna na tile, ni kubulela kuli, “Ha ni mupolofita kamba mwan’ a mupolofita, kono...” ali:

Tau i bopile, mi kimañi ya si ke kusaba? Mi... Mulimu u bulezi, kana kimañi ya si ke a polofita?

Mwabona? Kuna ni sesiñwi se si lukela kubiza.

⁵⁰ Lu mwa hola ye sabisa; lifasi li cwalo. Kono Keleke, yona Keleke ya niti (isiñi kopano); kono haili Keleke, Yona kasibili, i libelezi tulo yetuna hahulu ku yeo Ikile ya eza fateni: ili kutaha kwa Munyali ku Munyaliwa.

⁵¹ Lu taha ka kuikaba, lu libelezi mesia, nto yeñwi, ye lukela ku lupilisa, ku to lu zwisa mwahala lika ze kaufela. Lu talima fafasi, matata kwani kwa Upa. Lu talimwa mwa Africa kwa mifilifili, lindwa za mibala, ni za mikowa, ni—ni saluluti. Mi ni luna kwanu ne lu bilingana ha ki kale hahulu (balikani baluna

babansu) kaza, “Lu swanela kuba, lu swanela ku kopana. Kona se lu tokwa. Lu swanela kuba ni swaliso; mutu kaufela, wa likana, mutu kaufela.” Kihande, zeo ki zende luli. Zeo ki zende luli. Ha ni lumeli mwa butanga. Sicaba sani ne si batanga ka kukala. Ha ki batanga.

⁵² Mulimu ki wa saluluti. Nina ni cwalo. Mukreste ufi kaufela ki wa saluluti. Mulimu u ketulula sicaba sa Hae kuzwa ku ba ba siyezi kaufela. Kubile—kubile ketululo nako kaufela. Na ketile na ha. U keta sicaba. Ki wa ketululo. U ezize linaha kaufela. Kono niteñi, Mukreste waniti luli una ni kuba mutu wa ketulula. Ku ikambusa iliyena kwa lika za lifasi ni lika kaufela, ni kutaha mwa mulelo ulimuñwi, Jesu Kreste.

⁵³ Kono ba huwaka ka zona. Ni likile ku ba bulelala kuli, “Yeo ha ki yona taba ye ka pilisa naha ya luna. Ao ki makilikicani fela a za naha. Ki—ki sika sa mayemo a swaliso.” Ni sepa kuli Martin Luther King u ka zamaisa sicaba sa hae kwa kubulaiwa, pulao ya silundwamanji, ye se ba keni kale kuyona. Mi bona . . . Mwa bona, zeo halina kutisa lifasi hamoho. Zeo halina ku lupilisa. Lu ba file swaliso. Cwale se li butata kufita mo ne li belanga. Mwabona, zeo ha ki . . . yeo ha ki yona puzo. Kuna ni fela nto iliñwi yekona: yeo ki Mulimu. Mi kaniti mane ha na I lati.

⁵⁴ Ne ba sa Mu lati linako zani. Ne basweli kuikaba, mi lipolitiki zabona ne lisweli kuikaba, linaha zabona ne linze li ikaba, keleke yabona ne inze i ikaba, mi ba lilela kubata Mesia. Ne ba bata Yena. “Oh, lu lumele Mesia.” Kono ha Na tile . . .

⁵⁵ Mulimu ufile . . . kufa kalabo kwa tapelo ya hao. U kupile, mi uka amuhela. Mi sani ki . . . Na kona kuyemela fa ka lihola nyana, ku muuna ni musali, Bakreste mane, ha ba lapelela nto yeñwi; mi Mulimu ufa kalabo kono mane ha ba i lemuhi.

⁵⁶ Mi cwale, Mulimu *na ba* file kalabo. Ne ba bata Mesia. Ne ba ziba kuli neba na ni bo Sesare, mi neba na ni—neba na ni bo David, neba na ni bo Solomoni (muuna ya butali), nevana ni bo Davida (lindwalume ze mata), neba—neba na ni mifuta kaufela, kono ne ba ziba kuli nebana ni kuba ni tuso yezwa kwa Lihalimu mi bona . . . Mulimu na ba sepisize Mesia. Mi A ba lumela Mesia yani, ka kualaba tapelo ya bona, kono ne ba sa Mu lati.

⁵⁷ Ha ni zibi, kacenu, haiba litapelo za luna . . . Mwa ba utwanga ha ba bulela kuli, “Mu lapeleleancafazo yetuna. Mu lapelele *se*. Mu lapelele kuhasana kwa punyuho. Mulapelele swaliso.” Hani zibi, Mulimu ha na ka luma tukiso yecwalo, haiba ne lu ka i amuhela. Ha kakanya fela haiba ne luka amuhela sa Na ka lu lumela. Mwa bona, Yena . . . Libaka le lu lapelela lika ze, kakuli lu ziba kuli za tokwahala. Kono cwale Mulimu ha li luma ka nzila yeo Abata yena, kona kuli ha lina kuba ka maikuto aluna, mi kabakaleo haluna lu li amuhela. Mi kona mo ne kuinezi ka lizazi lani. Haiba Na siyo mwa maikuto kulumela kwabona

ni za bona... Neba—neba si ke ku Mu amuhela hape, kacenu. Ki kabakaleo ba buza puzo ye, “Ki mañi yoo? Ki mañi mutu ya taha yoo?” Mwabona, neli nako ye—ye tabisa. Oh, mañi ni mañi neli... fela kangisano. Kuna ni se ne si libeleta kuezahala.

⁵⁸ Mi a mu talime lifasi kacenu, ha ki ka ziezi ni yeo mo lipilela lifasi. Ha u zamaya mwa mukwakwa... Mane—mane hakuna neba silelezo ya kuzamaisa mota. Hakuna silelezo fa kumatissa mota mwa mukwakwa o zamaya limota zene neku li liliñwi. Mutu ni mutu u mwa lubilo, kunapula ni... Ki butata mañi? Aku ikete yeela. U matela kai kanti? Kona ze tiseza kuli libaka za lipulumi litale baba lyangani. Kona ze kenyize keleke mwa zikinyeho yebali kuyona. Ba—ba tamilwe hahulu kwa litoho ka nto yeñwi. Habana kutuhela ni ku lemuha Linzwi la Mulimu, mi hola ye lupila ku yona; kaufela zona mwatasa ziyezi, matata.

⁵⁹ Mi cwale, lwa ziba, lwa ziba hande. Lifasi se li fitile mwa butuku bwa kupepa. Mi keleke isweli kufita mwa butuku bwa kupepa. Neina ni kufita mwa butuku bwa kupepa i si ka fa kale... Ufi ni ufi wa bapolofita, hane ba tile mwa lifasi, neli butuku bwa kupepa kwa keleke. Lifasi se li fitile mwa Ndwa ya Pili ya Lifasi, Ndwa ya Bubeli ya Lifasi, mi cwale se ili bukaufi ni Ndwa Yabulalu ya Lifasi. Mi li mwa butuku bwa kupepa hape. Kono kuna ni fela nto iliñwi yekona kutisa kozo, mi yeo ki Kreste.

⁶⁰ Mikwa ya luna kaufela, ni milelo, ni buicemeli bwa za bulapeli, ni litaba za naha kaufela, ni za sayansi ya luna kaufela ni lika kaufela, li pakilwe kuli ki bukuba. Mi cwale lu lapelela Mulimu kuli—kuli alu tuse, ku luyemela, “Taha u to lu ezeza sika.” Mi cwale Ha eza cwalo, Ha ni zibi fela haiba lwa kona ku Si utwisia; haiba lukona ku Si amuhela; kamba mane nihaiba kuli lu Si lemuhe?

⁶¹ Cwale, sani kona sene si ezahalile kwa mulaho mwa mazazi ani. Neba sweli kulapela, neba nani mifuta kaufela ya baeteleli, ne ba bile mwatasa puso, ne ba bile mwatasa puso ya mulena, ne ba kaba mwatasa lika kaufela, baatuli. Kono ne ba ziba kuli kuna ni fela nto iliñwi yene ka ba pilisa, yani neli Mesia yana taha. Mi *Mesia* italicusa “ya tozizwe.” Mutu ya na tozizwe. Mi mutu, ya tozizwe ka Linzwi. Linzwi le li ezipwe nama mwahala luna. Mi cwale ha Na tile, Na—Na si ka maikuto fela one ba bata ku Yena; isiñi ka maikuto one bana ni... kuli Akone kutaha ka ona. Kacwalo he ba—ba—ba huwa bali, “Ki mañi mutu yo? Kana kafwindifwindi ka ki kañi?” Sikwata sa linjimi kulo kwani fa munyako, inge ba kumula linzalu ni...

⁶² Mi ki hali, “Kiñi, ha mu ba kuzisa. Ba lu utwisa kuikalelwa, mo ba huwela, ni kuhuwaka cwalo, ni kuzwelapili.”

⁶³ Ki hali, “Haiba ba bakuza, macwe aa aka huweleza kapili.”

⁶⁴ Oh, nako ne i kwana! Sipolofita ne si talelezwa. Ki kabakaleo! “Tau ha ibopa, ki mañi yasike kusaba? Mi Mulimu u bulezi. Kimañi yasike kupolofita?”

⁶⁵ “Batili, haiba Na si ke kuba mwa maikuto aluna... Haiba Na si yo fela ka mo ne lu Mu batela, mo ne lu Mu hupulela kuli uka taha, nelusike lwa Mu amuhela.” Mi, neli lituto za bona za milapelo ze ne ba kelusa kwa Linzwi leli ñozwi. Nebali kwahule hahulu, ne ba palezwi ku Mu lemuha Yo ne ba lapelezi kuli atahe. Likeleke zabona ne li ba isize kwahule, kufitela yona taba luli ye ne ba lapelela, neili mwahala bona, mi ne li si mwa maikuto a bona, mi kacwalo neba—neba—neba sa Li lumeli. Nebana ni kuzwa ku Zona. Ba Li leleka. Bona... Kuna ni fela nto iliñwi ye mukona kueza ha mu katana Kreste. Yani ikona ku Mu amuhela kamba ku Mu hana. Haukoni ku zamaya usina sibaka ko fumaneha. Ha ukoni kueza cwalo. Ha—ha ki musebezi wa hao kuli ueze cwalo. Ki ka nzila fela ona yeo.

⁶⁶ Mulemuhe fela, kuli neli fela babalikani bene ba Mu lemuhile kuba Linzwi le Litozizwe, la lizazi lani. Mwabona, Mulimu kwa simuluho, ka kuba ya sa palelwi, na ziba lika kaufela kuzwa kwa simuluho... Mi nto inosi fela yeo lika ze likona kubonisa ki milelo ya Hae. Mulelo... Una ni mulelo. Ki muhupulo wa hao. Ha u *nahana* taba yeñwi, kipeto wa i *bulela*, kipeto wa *inga*. Yani ki Mulimu. Yena, kwa simuluho... Haiba mu... Haiba mukile mwaba kamba haiba mu ka yo ba mwa Lihalimu, no li mwa Lihalimu ka kukala. U siemba sa Mulimu. No li muhupulo wa Hae. Na zibile libizo la hao. Na zibile yo noli yena ku si kaba kale ni—ni—ni siemba sa towati, mane ku si kaba kale ni liseli. Ku si kaba kale sika kaufela, Na ku zibile ni libizo la hao. Ni ku libeya mwa Buka ya Ngunyana ya Bupilo, mane lifasi li si ka bupiwa kale. Mwabona, no li muhupulo wa Hae. Mi cwale se... Mi se uba Linzwi. Mi linzwi ki—ki muhupulo o bulezwi. Konakuli wa to bonahala.

⁶⁷ Cwalo kona mwa Na inezi. Nali kwa simuluho ka Ali fela anosi. Mulimu na pila anosi ni mihupulo ya Hae. Haana kueza cwalo hape kakuli mihupulo ya Hae ya iponahaza. Mi kona libaka le lutezi kwanu, zazi le... ki Mulimu yaswelí ku ikambota ni mihupulo ya Hae, yenze iponahaza. Mwabona? Ki fo he cwale. Kacwalo, mina, ka kunga muhupulo, haukoni ku ekeza ñokolwa iliñwi kwa butelele bwa hao. Haukoni kueza *se, sani*, kamba *sesiñwi*. Ki Mulimu ya bonisa sishemo. Ki Mulimu. “Kaufela ba Ni file Ndate ba ka taha ku Na, mi hakuna mutu yakona kutaha haisi kuli Ndate Luli a mu bize.” Ao kona mafelelezo.

⁶⁸ Cwale, mulemuhe fela, kuli neli babanyinyani ba bona mwa lizazi la Hae, mwahala bo lule ba lifasi, be ne ba si ka ziba kale za Hae za kuba teni fa. Munahane fela, nekuna ni mashumi... ma milioni a batu be ne ba sa zibi sika ka zona. Mi ka kunahana, mwa Isilaele ka nako yani, nekuna ni batu baba tuu milioni ni licika mwa Palestine, ma Isilaele, mi kutokwa neheba alimuñwi

mwahala baba mwanda ya na li zibile. Ki kabakalelo Na ize, “Munyako wa kumbana ni nzila ki yesisan, mi ki basikai fela baba ifumana.” Mu nahane fela kuli ki babakai bene ba Mu lemuhile! Ne ba sa zibi kuli Na liyena Yani. Mi ona kwani kwa Na inzi; sani kona siemba se si utwisa makeke.

⁶⁹ Bene ba zamaile ni Yena, ni ku Mu bona fa mukwakwa, ni zeñwi cwalo...neba—neba si ka lemuha Yo nali Yena, kakuli Satani na boni kuli Nana ni—ni libizo le li masila hahulu lene li ka fiwa ku mutu. Na bizizwe ki lifasi, lona lifasi la nama, Na—Na bizwa kuli mwana wa mwa bucwanı, kakuli na bulezi kuli mahe ya na lukela kuba Mahe, ka Josefa, asika nyalwa kale ku yena. Kaewalo a Mu fa libizo la mwa bucwanı.

⁷⁰ Mi hape, ke—ke keleke ne i Mu boni mwa mata a Hae amatuna a iponahaza. Ku bonahaza sikamañi? Isiñi kubonahaza tuto ya tumelo! Na bonahaza Linzwi! Na li yena Linzwi Lelitozizwe, Kasibili. Mi cwale ha ba bona kuli seo singa sibaka (yona ponahazo, ya Mesia ya Tozizwe), ba Mu hana. Ne ba sa Li lati. Ne li siyo mwa maikuto a bona. Sani kona siemba se si utwisa makeke. Ki babakai...? Mu nahane fela ka zona! Sina fela mwa mazazi amañwi.

⁷¹ Mwabona, mañi ni mañi nana ni toloko ya hae ya Linzwi. Sani kona...libaka Isilaele ha na si ka lemuha Mushe. Ki kabakaleo lifasi ha ne li si ka lemuha Nuwe. Ki kabakaleo bapolofita kaufela ne ba si ka lemuhiwa. Bana ni toloko ya bona bañi ya Linzwi. Kono Mulimu, mwa lusika lufi kaufela, ubile ni Mesia wa Hae. Mwabona? Kuhana Liñusa la Nuwe, ne li kuhana Mulimu. Ku hana Nuwe, ne li kushwa. Ku hana Mushe, ne li kushwa. Neli...Nebali bo Mesia baba Tozizwe a lusika lwani, Linzwi lene li sepiselizwe lusika lwani. Mi cwale Jesu ha taha, Nali mutalelela wa Linzwi.

⁷² Mulimu, yena Kasibili, ya bupilwe mwa sibupeho sa mutu, ni masapo ni nama; yena Ya Tozizwe. Mi neba lukela kubona sani. Kono mwa bona, keleke ya—ya bona ya lifasi ne i ekelize hahulu ni kuzwisa zeñwi fa ni—ni zeñwi cwalo, kufitela liba ze tampakani hahulu kufitela ba—ba sepa mwa keleke ya bona mwa sibaka sa—sa Linzwi. Mi ha ba bona keleke ya bona ye tozizwe, mi se ba nahana kuli sesiñwi sesituna ne si ezahala. Kono ha ba bona li—li Linzwi le li tozizwe, mi se bali, “Yeo ki tumelo ye fitelezi. Muuna yo ki diabulosi, ki Baalezebubi.” Kakuli neli ze shutana hahulu ni keleke ya bona kufitela...lituto za keleke ya bona ni zene ba ezize. Mi neli ka nzila ona yeo mwa kutaha kwa mupolofita kaufela, keleke ikaba ya tampakani hahulu.

⁷³ Mulimu aluma milao ya Hae ni kubafa bulikani. Mi muprisita na taha ni ku kauhana kwateni, mi ni kuekeza kwateni, ni kuzwelapili fa, ni kubupa tuto ku zona. Mi kipeto, Mulimu ki yo utisa mutu ya sina kwa zwelela hande, muuna yomuñwi ya tozizwe ya na tiswa ana ni mata a Moya. Mi yena

kamita na li ya toilwe ki baprisita, ki malena. Mi—mi kone ba tinela liapalo zabona bapolofita ba buhata, ni ku zamaya ka buikokobezo, ni ka bunolo mwahala malena ni baprisita, ku swanelo kuba mabizo amatuna ni—ni lika zeñwi. Mi wa niti, mupolofita wa niti, a zwa ko ku sa zibahali, hakuna neba iliñwi ya likopano zabona.

⁷⁴ Kikai—kikai ko ne kuna ni Bibele neba iliñwi, koo Mulimu akile anga muprisita ni ku mueza mupolofita? Ki kai koo Mulimu akile anga mutituti wa za bulapeli (muuna ya lutilwe hande, muuna ya lutilwe hande ku za bulapeli) ni ku mueza mupolofita? Kwa li kuba mwa litaba za naha kai kamba kai, koo Akile a lieza, mwa lusika lufi kaufela . . . koo Akile ali eza fateni. Una ni kuzwa mwa mulao wani, ni ku u zusa. Mi sani kona sa Na ezize fa.

⁷⁵ Jesu, ha Na pepilwe mwa Betelehema wa Judea, mwa lubasi lo lu shebile, mi Na sina makalelo sina mo ne ba zibela, alimuñwi fela wa lusika lwa—lwa Judah, mi Bomahe ni bni ndatahe nebawza kwa lusika lwa Davida; mi nebana ni kutaha ku to telisiwa ka sipalo. Mi ki Yo nali fani, ali fela mucaha yomunyinyani, mane . . . nekusina za na ezanga kwanda kushandaula likeleke. Mi ba Mu toy. Mi ne ba sa buleli zeñwi ka limakazo za na eza muuna yani. Pitrosi na bulezi cwalo ka Lizazi la Pentekota, ali, “Jesu, wa Nazareta, Muuna ya supilwe ki Mulimu mwahala luna, kuli Mulimu nali ni Yena.” Mi isi ku ekeza kwa Linzwi la Hae kamba sika kaufela; kuli ibe patalaza nyana: “Nali Mulimu ya ezizwe nama ni luna. Mulimu una ni luna.”

⁷⁶ Ni kubulela busihu bobuñwi, kuli Mushe, na yemi fani ni lizoho la hae mwa sifuba sa hae, yena . . . yani neli Mulimu ku Mushe. Yena . . . (inza sweli likunutu mwa pilu ya hae), mi a li otolola neli mbingwa yesweu. Mi a li kutisa hape mwa sifuba sa hae mi la fola, mi ni ku li otolola hape ku luna nako Ya to luma Moya o Kenile; ya neli Mulimu, hape, mwa mufuta fela usili ka Lizazi la Pentekota. Mi lwa U hana. Halu lati Zani. Cwalo kona mo ne ba ezelize nako yani. Cwalo kona mo lu ka ne lu ka ezeza kacenu.

⁷⁷ Lu bona kuli, mutu kaufela una ni toloko ya hae. Ki kabakaleo kutatafala hahulu. Kono mwa ziba, Bibele ibulezi, kuli, “Linzwi le halina toloko ya kwa mukunda.” Ha li tokwi toloko ya ba Presbyterian ya Lona. Ha li tokwi toloko ya Baptist. Kamba neba kuli Li tokwa toloko ya ba Pentekota. Mulimu ki mutoloki ili Yena. Na bulezi kuli Uka eza cwalo, kacwalo Uka eza fela ona cwalo, mi ao kona mafelelezo. Kona ha ba bona Linzwi la sepiro le li tozizwe mi kipeto ha—ha bakoni ku Li amuhela, mwa bona, kakuli Za shutana ni lituto za—za litumelo za bona.

⁷⁸ Mo Mesia (Ya Tozizwe) mwa na ka bonahalela, ni sa Na ka eza; ne lili kwahule ni kutwisiso yabona. Mi cwale hane li

balilwe kubona mwa Mañolo, sa Na ka eza, niteñi ne ba si ka Li utwisia. Kakuli baana ba babutali ba ha ba taha, kuzwa kwa Babilona, nebali kwa neku la mutulo wa upa wa Jerusalema, mi ba talima kwa njeleleo ya lihalimu babona Naleli kwa neku la wiko. Ba I latelela ka lilimo zepeli, inge ba shetumuka kutaha kwa Nuka ya Tigris, mi ni kutaha mwa misindi yani ya Shinari, ni kutaha cwalo kushetumuka, kutaha kwa toho ya muleneñi wa za bulapeli. Bulapeli bobutuna hahulu mwa lifasi, mwa tempele, mwa Jerusalema. Ni kukambama ni kushetumuka mwa mikwakwa bali, "U kai Kana? U kai yena Ya pepilwe Mulena wa Majuda?" Kiñi, hakuna mutu ya na ziba sika ka zona. Neli nto yenca.

⁷⁹ Mane za yo fita ni kwa Sanhedrin... ba biza bo caziba ba lituto mi bali, "A mubale mwa Mañolo koo Mesia..."

⁸⁰ Mi ba yo nga ma—ma Mañolo ni kubala kuli Mika na bulezzi kuli, "Kuzwa... mwa Judea... Betelohema wa Judea, wena ha u yomunyinyani mwahala malena kaufela? Kono ku wena ku ka zwa muzamaisi yoo."

Mwabona, mwa sibaka sa ku batisisa, ba li siya fela, "Kihande, ki sikwata sa bafitelezi ba tumelo." Mwabona? Ki kabakaleo balisana ha ne ba ngile Liñusa. Mwabona, habana... Bana ni toloko ya bona bañi, kabakaleo, bona—bona kona ha ba mbwinja lika za niti.

⁸¹ Kono sina kamita, ha Na tile, Na tile ona cwalo fela sina Linzwi mo ne li bulelezi kuli Uka taha. Na tile mwa munzi ka kupetahala fela, mwa palo ya luna kakusasana cwana, ka mo ne li bulelezi Linzwi kuli Uka taha. Mi se bali, "Ki mañi yani?" Kana mwa bona se Ni talusa? Ne ba lukela kuziba kuli Neli mañi. Mi fa... isiñi lifasi la kwande, kono keleke ya lifasi iize, "Ki mañi yo? Ki mañi yo?" Kanri, mane, Mañolo na bulezzi patalaza kuli ona cwalo kona mwa Na ka tela. Mi ba li, "Ki mañi yani? Ki mañi mutu yoo? Kana maikutgo a kaufela ki a sikamañi? Amu kuze mutuhele kutaza lilata leo kaufela, la lu sitanisa mwa litoho." Uh-huh. Mwabona? Ki... Mwabona? Taba luli yene ba lapelezi neili kwani mwa lizoho la bona, mi ne ba si ka li lemuha. Mi Ataha ona cwalo fela ka mwa na bulelezi Mañolo kuli kona Mw'a ka tela. Mi haiba Aeza cwalo kacenu, Uka taha ona cwalo fela Mañolo mwa bulelezi kuli kona Mw'a ka tahela. Yena kamita utahanga mwa maikuto a Linzwi la Mulimu, mi isiñi mwa munahano wa muituti yomuñwi wa za bulapeli ka zona.

⁸² Ni bulele cwana, kana mwa ziba kuli Linzwi la Mulimu ne li si ka taha kale fateni ku muituti wa za bulapeli? Mufumane Mañolo ko Li kile lataha cwalo. Linzwi ha li tahangi kwa baituti ba za bulapeli; neba hanyinyani. Kono mwa bona, haiba Linzwi ne li ka iponahaza kacenu, Linzwi mwa lizazi laluna, Ne li kaba ka maikuto a Linzwi la Mulimu. Isiñi ka maikuto a muhupulo

wa mutu. Mulimu na kanga Linzwi la Hae la Na sepiselize lizazi le, ni ku Li toza, mi ne Li ka ezahala. Ku felile. Hakuna mukwa wa ku Li paleliswa ku ezahala. Ku kaba ona cwalo mane, hakuna taba ka ze ibulela keleke ni ze ba lumela babañwi ni, zeo, Mulimu u ka li eza kupale kumane. Ku kaba fela babanyinyani baba ka ziba ka zona. Yeo ki niti, ki basikai fela. Kamita kubile ona cwalo.

⁸³ Mwabona, ka toloko ya bona fela, ne ba si ka eza sika kaufela kakuli ne ba itingile ku se ne i ba bulelezi keleke. Kono ha Na ka taha . . . Yena kamita ha taha cwalo . . . Na tile nako yani, nitaluse, mi Ukana aeza cwalo ka nako kaufela Ha taha, mi lika kaufela Za ezanga, li kana li ba mwa mufuta wa Linzwi. Kacwalo he, halukoni kubeya sepo ku ze ba bulela batu. Kuna ni fela nto iliñwi ye mukona kubeya sepo ku yona, mi yeo ki Linzwi. Mi Linzwi ki Mulimu. Mi Linzwi le li tozizwe kona le li eza Mesia; lona Linzwi le li tozizwe la hola. Ha ki bunde ni boo! Ne ba li mbwinjize, ki Linzwi; ki niti . . . Nebana ni . . . Linzwi kamita li lukile, kono toloko ya Lona ka Lona ne ifosahalile.

⁸⁴ Hani zibi haiba taba tuna ye, ona Katengo ka Swalisano ko lu nani mwa lifasi kacenu, mi Katengo ka Likeleke za Lifasi ka ka bupilwe hamoho ka lutamahanya luna kaufela hamoho kuna alimuñwi . . . Ha ni zibi haiba ba lemuha haiba . . . Sani kona sa bulezi Mañolo kuli kona mo ba ka ezeza. Kono ba nahana kuli kona nto yende hahulu mwa lifasi, kuli kaufela luna lwakona ku swalana mwa mazoho ni kuba alimuñwi. Kuli, “Jesu na lapezi kuli lube alimuñwi.” Yeo ki niti. Kono isiñi ka mufuta wa buñwi bobucwalo.

⁸⁵ Ki hali, “Mube alimuñwi sina Na ni Ndate ha luli alumuñwi.” Ehe, kuba buñwi mwa mufuta o cwalo wani. Konakuli ku kaba cwani cwalo? Linzwi ku luna ikaba Linzwi le li tozizwe. Bwani kona buñwi bwa Mulimu. Mwabona, buñwi bwa Mulimu kona Linzwi le litozizwe ku wena. Mwabona? Mi kipeto uba mwana (yali mesia) wa lusika.

⁸⁶ Cwale lu fumana sicaba kuba sesiswana. Sicaba ha si cinci. Batu ba ne ba abilwe mwa likwata zetalu. Mi lu ka talima ku zona ka mizuzu yelikani fela cwale. Ni ziba kuli Ni ka liyeha nyana fela, haiba ku likani ku mina. Ni ya bunya hahulu, Ni—Ni—Ni fela . . . Ha ni zibi; Ni—Ni kenanga mwahali ni kuñola Mañolo, ni litaba nyana za kuitusisa. Mi cwale Ni—Ni ya kwani mi ni—ni Moya o Kenile uswala iliñwi, mi N—Ni—Ni—Ni . . . ku bonahala fela inge hakuna mafelelezo ku yona. Li zwelapili fela kuya. Kono, cwale, kwa palo ya luna.

⁸⁷ Ne ba kauhani, kwani, mwa likwata ze shutana zetalu, ka minahano ye shutana yemilalu. Babañwi ba bona ne ba Mu lumela. Babañwi ba bona ne ba Mu toile. Mi babañwi ba bona ne ba sa zibi sa kueza.

⁸⁸ Mwabona? Yani—yani kona nzila fela ye lunani ka zona. Ne ni kutalize, Na lumela mwa keleke ye, hañwi: *Balumeli, balumeli ba Malikanyiso, ni Baba salumeli*. Zetalu zeo mwa sikwata, muna—muna ni zona kai ni kai. Zeo ki zetalu mwa sikwata, hape; ka kubona buino bwa sicaba bo mobubezi cwalo kamita. Lwakona kukutela kwa mulaho ni kupaka, bwani kona buino bwa sicaba kamita. Babile mwa buino bo bu cwalo kamita.

⁸⁹ Mi ka kubona kuli kubile ona cwalo kamita, kona kuli si lu konisa kulumela kuli Mulimu u lukisize sicaba kuba ona cwalo. Kiñi, Uka eza kuli sila sa Hae kuli si Mu lumbike. Liki kaufela... Paulusi, nañozwi, mwa Maroma, kauhanyo ya 8, kuli, "Wena, muuna wa sikuba. Kikuli kana—kana lizupa li ka bulelele mubupi kuli kiñi... ha u ni bupile cwana? Kikuli Hana mata a kubupa pizana yeñwi ka kukutekeha mi yeñwi i tokwe kukutekwa?" Kucwani kambe Na si ka eza busihu? Nemusike mwa itumela kwa lizazi. Haiba neikaba fela lizazi kaufela, nemusike mwa ziba mwa ku itumela ku lona. Kucwani kambe nekusina matuku? Nemusike mwa ziba mwa kuitumela kwa buiketo. Kucwani kambe nekusina baana ba bamaswe? Kusina basali ba bamaswe? Musali yomunde nasike ku kutekeha. Mwabona? Nebasike mane... Likute ne li si la fiwa ku yena, kakuli kaufela li inzi ona cwalo, kinto iliñwi fela yenamile. Kono ki mulao wa kubapanya lika.

⁹⁰ Mulimu ki yena ya li eza kuba cwalo: alimuñwi kuba ya sa kutekehi, kuli abonahalise ya kuetehe; alimuñwi abe ya fosahalile luli, libonisa hande... Kambe ne li si cwalo, yani ne i si ke kuba nto yelukile. Kambe nekusina... Haku koni kuba dollar ya buhata konji haiba kuna ni dollar ya niti. Mi kipeto ya buhata ki... Haiba ne i ezizwe fela ili ya buhata ka kukala, kona kuli ne i kaba ya niti. Kono ki—ki sifeka. Haku koni kuba za... Ha ku koni kuba sibi konji pili kube kuluka. Kakuli kuluka ki—ki nto yende, mi sibi ki kulyanga kwa kuluka. Ka manzwi amañwi, niti ki niti. Buhata ha bu koni kuba buhata konji kube niti pili; ku to lyanganisa niti yani kuba buhata. Kacwalo sibi kaufela ha ki sesiñwi kono ki kuluka ko ku lyangani. Kabakaleo, kuna ni mulao mwa lifasi.

⁹¹ Milao yemibeli; mi ulimuñwi wa yona ki mulao o lukile, mi omuñwi ki mulao o *lyangani*. Mi alimuñwi wa bona ki Linzwi la Mulimu, ili lika zelukile; mi linzwi la mutu kaufela ki buhata. Mi mulao wa likopano o luna ni kacenu wo, kueza Katengo ka Likeleke za Lifasi kuli li pange nombolo ya sibatana kuba kopanya hamoho, kona taba ye fosahalile. Mi mutu u sweli kukena mwate ka kububofu.

⁹² Mulimu sa beile kale sika mwa lifasi kuli ba lamulelwe ka sona. Kono ba nahana kuli ki bufitelezi bwa tumelo. Ha ba li lati. Ba li hana. Ba nahana kuli bana ni kueza sika ka sona. Bana ni kupanga mulao wa bona bañi. Mulimu una ni mulao kale

mo, Linzwi la Hae. Kono ha lu li lati Lani. Kacwalo luipumana kacenu, inge fela mo ne ba inezi ka nako yani.

⁹³ Mi cwale, ka kubona kuli sicaba si bupilwe kuba ona cwalo... Mulemuhe, mu li... Na—Na ziba Ni liyehanga hahulu, kono ha Ni lati kutalimela zeo kakuli li ni utwisanga kuikalelwa. Mwabona?

⁹⁴ Litaba za naha; cwale lunga sina... Ha lungeni fela ka mutala... kubona haiba sicaba si bupilwe kuba mwa likwata zetaalu—zetaalu. Halungeni litaba za naha. Kuna ni babañwi baba nyemelanga batu mane kufubela. Mi sikuwata sesiñwi sa mu toya. Mi sikuwata sesiñwi ha si zibi sa kueza ka sona; ha ba zibi kuli ki sifi, mi li ba nepela mwa kulyangana.

⁹⁵ Muuna *yo* ali, “Oh, ki muuna yomutuna. Uka—uka swanelia ha ha ka ba Mueteleli yomunde wa naha.”

Yomuñwi naize, “Ha ki sesiñwi kono ki mukwenuheli.”

⁹⁶ Mi *wa mwahali* lali, “Cwale ha Ni zibi sa kueza.” Mwabona? Mwabona, lu bupilwe ona cwalo. Lu bupilwe ona cwalo. Cwalo kona batu mo ba inezi. Neku lukela kuba ona cwalo ili kutaleleza mubuso omutuna wa Mulimu. Ni kueza bunde bwa Hae bo Aka i kezeza fa lifasi, mutu u bupilwe ona cwalo. Alimuñwi u *lukile*. Yomuñwi wa *fosa*. Mi yomuñwi *u mwahali* a bababeli. Kubile cwalo kamita.

⁹⁷ Mulemuhe, ba ezanga cwalo nako kaufela ye ba sa zibi... Muuna yali mwahali, ki sibaka se si maswe kakuli: alimuñwi wakona kubonisa taba, libaka ha nahana kuli u lukile; yomuñwi wakona kubonisa mwa nahanelia kuli u fosize; mi yali mwahali ha zibi sika ka taba yateni, ha zibi nzila ya lukela kuliba. Mi ona cwalo kona mo kuinezi fela mwa bulapeli. Sicaba si eza nto yeswana kaceny ka za bukamuso bwabona bwa Kuyakuile.

⁹⁸ Cwale lu ka holofaza, fa muzuzu fela. Ba eza cwalo ka bukamuso bwa bona bwa Kuyakuile. Mutu uka fita kwanu kona kwa—kona kwa... ku to ca. Mi haiba u kona kufumana liyu mwa mukeke wa hao wa mulo, uka tabela kuli u ise kampani yeo kamba sibaka sa restiranti yeo kwa kuta. Kiñi, haukonku kuca mulo woo, ukona ku kufa ziyezi ya sifanu. Wena—wena—wena haukonku ku uca mane, lifele lelituna kamba nto yeñwi ha i tatehilwe mwa mukeke wa hao wa mulo. Kiñi, haukonku ku li ca zeo. Likona ku ku kulisa neba ku nahana ka zona. Kono niteni, u lumeleza sikuwata sa baituti ba za bulapeli batitimeze sika mwa mumizo wa hao se si ka ku kasheza kwahule ka limaili maili kuzwa ku Mulimu, ni ku li koomeza. Kanti, “Mutu uka pila ka Linzwi kaufela le lizwelela mwa mulomo wa Mulimu.” Ki liwenge kuli moyo wa hao unyendaelela fahalimwa lihele. Mi sina ha Ni bulezi kale, “Liwenge li tiyezi fo li fokolela.” Siemba silisiñwi ha si lobehile... kona fela so lukela kueza ki kuloba silisiñwi sa zona fela; ku felile. Zeñwi kaufela zesiyezi li ka ceputuka ni sona. Li tiyezi fela fo li fokolela mukwazo.

⁹⁹ Cwale... Mi mutu ya ziba kuli haiba u ca mulo woo ni sifanu sa liuyi mwateni, wakona ku ku kulisa. U na ni kuya kwa sipayela, mi—mi u yo pompiwa mwamba ni kuli ube ni butata bobutuna bwa kufita kubona. Mi mane zakona ku kubulaya. Kono, mawi! Ukona ku... Kiñi, haukoni kuya kwa sibaka se si cwalo. Haukoni kutabela ku unsufulisa sikwalo hape, kakuli wa—wa—wa saba kuli uka fiwa sifanu ni kushwa. Mi kipeto u ka ikopanya kwa niti, kubeya mabizo a hao mwa libuka, ni kulwanela taba yateni luli yeo Bibebe ibulezi kuli, “Ha ki kusinya mubili wa hao, kono u luma moyo wa hao kwa lihele.” Mwabona? Ki nto yenca cwani kuli batu baeza cwalo. Bana—bana ni... Bangile bukamuso bwa bona bwa Kuyakuile, ku bu beya fa kalulo ya za bulapeli. Mi mwa kona ku ba tisa kwa Mañolo, kuli, “Se kona se ibulezi Bibebe. Ki se fa.”

¹⁰⁰ Mi muituti wa za bulapeli a Li talima, “Kihande, zani neli za lizazi lisili.” Mwabona? Mi wa mu teezeza. Mwa bona sa bulela Mulimu. Wa niti, Mukreste wa luli ya teezeza fela kwa Linzwi lani, mi kipeto ku felile. Mutu wa Mulimu yapila ka Sinkwa sani.

¹⁰¹ Mulemuhe, babañwi—babañwi ba lumela mwa Linzwi. Hakunze kuna ni babañwi baba lumela mwa toloko ya bona ya likopano. Mi kuna ni babañwi, ka kulyangana kwa, baba sa zibi za kulumela.

¹⁰² Cwale *babañwi* ba bona bali, “Oh, Katengo ka Likeleke za Lifasi ka, yani kona ye kaba taba yateni. Li ka lu eza kuba alimuñwi. Oh, zeo fela ki zona.”

¹⁰³ Mi *babañwi* bali, “Kiñi, ki za diabolosi! Ki se mo mwa Mañolo.”

¹⁰⁴ Mi kipeto *mutu ya sa ngi nako* kuinafafasi ni kula pela mi abatisise taba, u li, “Oh, libala zeo.” Uh-huh. Ulibale zeo? Ki za hao...ka manzwi a hao, muzwale, ka sibaka sa hao, ka mufuta wa manzwi o onga, kona aka ku isa kwa bukamuso bwa hao bwa Kuyakuile ko ka yo pila kamita. Usike wa eza cwalo.

¹⁰⁵ Kwa lu lukela kuinafafasi sika kaufela se si cwalo ha si taha. Mi puzo, sina mwa mazazi a Jesu; ha li taha, keleke iize, “Oh, Ki mukwenuheli fela. Hakuna sika ku Yena.”

¹⁰⁶ Kono Alimuñwi naize, “Mubale Mañolo,” Ki hali, “ku Ona mu nahana kuli muna ni Bupilo Bobusafeli, mi A mi bulelela Yo nili Yena.”

¹⁰⁷ Mi baana, basali, ni libupiwa za Sikreste kaufela, kamba kuba ni takazo mwa bukamuso bwabona kwa Kuyakuile, ba lukela kubala mwa Mañolo ni kubona yo Nali Yena. Puzo ne i lukela kuba kuli, “Ki mañi yoo?” Ne ba ka li, “Ki Yo fa!” Yani kona shutano. Mwabona, ki mutu, bona—bona—bona ba tabelia fela kuba ona cwalo. Babañwi ba supilwe kuba cwalo. Kinto yetata ku ibulela, kono ki ya niti. Ya iponahaza. Mwabona?

¹⁰⁸ Cwale, kacenu, *babañwi* bali, “Na lumela Linzwi. Linzwi kona Niti; Linzwi la Teni kaufela.”

¹⁰⁹ *Babañwi* bali, “Ah, balisana ba luna ba yo itutanga mufuta wani wa . . . Ba ziba za kubulela ka Zeo.”

¹¹⁰ *Yomuñwi* ali, “Kihande, Ha ni zibi. Ni i kopanyize ku *ye*. Ne ni sa tabeli *yani*. Ne ni tile kwanu ku to ikopanya ku *ye*. Ha—Ha ni zibi kuli ki ifi yazona ye ni na ni kuikopanya kuyona.” Mwabona? Cwalo kona fela mo ne kuinezi linako zani, neli nyangela ya mufuta o swana. Kihande kamita kubile ona cwalo, kuzwelela kwa simluho, mi kamita ku kana kubanga ona cwalo.

¹¹¹ Cwale ha lu bateñi Niti ya Bibele ka taba yee, mi lubone haiba Ku lukile; ka mizuzu yelikani fela cwale . . . Adama . . . Kwa simluho ne i kalile sina cwalo, inge mo lubezi ni zona ona kacenu cwana, ha li si ka cinca neba kanyinyani. *Adama* nali “mulumeli.” *Satani* nali “ya sa lumeli”; na sa lumeli Linzwi. Kacwalo anga *Eva*, ya na sa “zibi hande” kamba Neli nto ye lukile kamba nee. Mwabona? *Satani*, ya sa lumeli . . . Mulimu naize, “Zazi le mu ka ca kuyona, zazi leo mu ka shwa.”

¹¹² *Satani* ali, “Zeo ha li cwalo.” Mwabona, mi na si ka Li lumela. Adama na Li lumezi. Kacwalo a beleka ku ya na li mwahali. Na sa zibi fela . . . na sa koni fela kubulela.

¹¹³ Cwale, mulemuhe, musali fa uyemela keleke ya kopano ya makalelo yebizwa munyaliwa. Kaufela zona ne litile mwa Genese. Ki peu. Mu kalele mwa Genese; mu ka bona siswaniso sa mina hande. Mwabona? Cwale, fa na yemela keleke ya lizazi le kakuli *babañwi* ba bulela kuli (cwale lu nga ba Presbyterian, ni ba Lutheran, mi kaufela bona ba taha, baana ba pisinisi bani ni zeñwi cwalo), “Lu tabela kuba ni . . . Lu bata kolobezo ya Moya o Kenile. Lu—lu tabela ku I amuhela.”

¹¹⁴ Kana mwa lemuha lizazi le lukona kuba ku lona? Mwabona? Ikona kuba kuli habakoni ku Li amuhela. Kana mwa ziba kuli Jesu naize, “Fani bona, mwalanjo ya lobezi . . . ?”

¹¹⁵ Cwale, muhupule, mwalanjo ya lobezi na tezi ku to kupa Oli. Kaufela ne ku kwalilwe. Na si ka I fumana. Na si ka I fumana. Kana mwa ziba kuli kasamulaho wa kuya wa Munyaliwa, a sa ngezwi kwa Lihalimu, likeleke likana lizwelapili ona cwalo, batu ba nahana kuli basweli kupiliswa ni lika zeñwi sina fela mo ne banze ba bela kamita. Kuzwelapili fela sina mo ne kuinezi mwa mazazi a Nuwe. Ne ba zwezipili inge ba icela, kuinwela, ni lika kaufela inge fela mo ne banze ba ezeza kamita. Ne ba sa zibi, kono sikwalo ne si kwalilwe. Mane sa kona ku kwaliwa, balikakani, kuli sikwalo sakona ku kwaliwa ka nako kaufela. Mwendi sikwalile kale hakulata, ka mo Ni zibela. Ha lu zibi.

¹¹⁶ Ku kaba fela aba likani baba ka yo kena mwateri, lwa ziba cwalo. “Sina mo ne kuinezi mwa mazazi a Nuwe (mioyo ye ketalizoho ka yemilalu kona yene pilisizwe), kona mo ku

kabela ni ha taha Mwana mutu.” Kuna ni fela mioyo yelikani ye pilisizwe. Ha ni buleli kuli ki eiti. Ikona kuba mianda ye eiti kamba . . . Ha—Ha ni zibi kuli ki babakai. Eiti sauzande . . . Ha—Ha ni zibi. Eiti milioni . . . Ha . . .

¹¹⁷ Kono mwa bona, Munyaliwa haana ku eziwa ki sikhata nyana fela sesili mwa lifasi mo cwale. Mutonelo wa busebene, ha Na tile, balanjo bani kaufela ba zuha ni kutukisa malambe abona, kukuta kwa mulaho kafoo, mañi ni mañi yana lumela Linzwi le li tozizwe kutaha cwalo mwahala lusika lwa taha. Sina piramidi, siemba sa fasasi, ni kutaha cwalo, kono haili Licwe la kwa toho ne li tilo nga nto yateni kaufela kuli ibe—ibe mundandwe o pahami. Mwabona, ku libeya hamoho. Cwale, Munyaliwa uka bupiwa kuzwa mwahala masika ani kaufela, baba lumela mi ba ba amuhezi Kreste kuba Mupulusi wa bona.

¹¹⁸ Cwale, Eva na sa zibi hande. Adama na mu bulelezi, ali, “Cwale, Mulimu naize, Mulatiwa, kuli, ‘Zazi le mu ka ca kuyona, lona zazi leo mu ka shwa.’”

¹¹⁹ Kono se bali . . . Satani ali, “Kaniti yeo haikoni kuba niti. Mu nahane fela kuli—kuli Ndate wakona kunga bana ba Hae . . . Ka lisheha nyana fela, nto ye cwalo. Kaniti Ha ki cwalo.” Mwabona?

¹²⁰ Mi ki sikamañi sa na i lo fetuha lwa mafelelezo? A futula za kuli “kaniti.” Mi ona cwalo kona mo i ezeza keleke kacenu, ona cwalo. “Oh, *luli* . . . Lu keleke yetuna. Lu sicaba sesituna. Lubile nako yetelele . . . Likia ze kaufela ze ba biza kuli tumelo ye fitelezi kwanu, ona—ona likia ze ba biza kuli kolobezo ya Moya o Kenile ni zeñwi kaufela, zani ki bukuba! Mwabona, sani . . . Hakuna sika se si cwalo. Ah, *kaniti* . . . Ni lifanga sa bulishumi. Ni yanga kwa keleke. Boma ne yanga kwa . . . *Kaniti Mulimu* . . .” Kono, Mulimu ubulezi ka kushutana, mi ona cwalo kona mo ku ka bela, ka maikuto fela a Linzwi la Hae. Na bulezi mo lusika lwa keleke ya Laodesia lo ne lu kabela. Ni na ni buka yende yetaha kazeo, fa taba yeo, cwanoñu nyana, haiba Mulena si mutabisa, mwabona, ka yona Laodesia ye, kubonisa kuli se i felile kale, kuli i kwalilwe kale mwani, mi Kreste u kwalezwi kwande. Hakuna foibulezi kuli Na kutezi mwahali hape, mwa ziba. Kacwalo lu i fumana kacenu, i lelekela Linzwi fande, inge fela mo ibezi kamita.

¹²¹ Cwale, mulemuhe, Mushe, Linzwi le litozizwe . . . kamba luka mubiza cwani . . . Ni sepa mu ka utwisisa, ha Ni bulela kuli nali yena Mesia. Nali yena Linzwi le li tozizwe lene li sepiselizwe lizazi lani. Mushe nali cwalo! Kana mwa lumela cwalo? Luli, linzwi—linzwi la kuli *Mesia* litalusa “mutoziwa.” Mwabona? Cwale, Nuwe neli *mutoziwa* ka lizazi la hae. Abrahama na bulezi kuli ku kaba . . . Sicaba sa hae ne si ka yambaela ka myaha ye mianda yemine mwa butanga, mi ne ba ka tiswa ka lizoho le li mata, ni sa na ka bonisa: lisupo za hae ni ze komokisa . . . ni—ni masika ana taha, ni sene si ka ezahala. Mi Mushe ayema fani, lona Linzwi le li tozizwe la lizazi lani. Kona hana beile lizoho la

hae mwa sifuba. Kiñi? Na yemi fa Pila Mulimu. Amen! Kanya yetuna ya Shekina inge i mu potolohile. Muzamao kaufela wa na bi ni ona no paka Mulimu. Fani kona fo ilukela kuyemela keleke cwale. Luli! Kufita zeo, luzwile ka mabifi a kopano yeñwi cwalo.

¹²² Kono Mushe na ebelelisizwe, mi ataka kwatuko. Mi nekuna ni ona Siita sa Mulilo sani inge si nyendaela mwa sicacai mwani. Mi fa nekuyemi Mushe ya tozizwe. Hakuna ku kakanya muuna yani mane na sa zibi sa na sweli kueza. Lisupo za na filwe ha na yemi fani ni mulamu wa mulisana, ni kuziba kuli wani no kaba mulamu mwa lihalaupa. Wa fetuha kuba noha, mi wa ba katulo, noha yani neili cwalo; mwa lihalaupa. Liki kaufela za na ezize... Neli lisupo ni manzwi ze ne ambola kwa sicaba. Mwabona, nekuna ni sene si tamahani ku yena. Mi Mushe hakulata na sa li zibi ni yena kasibili, kono nali yena mutoziwa wa Linzwi la lizazi lani. Nali Mulumiwa ya tozizwe. Kacwalo haiba na li yena Mulumiwa wa hola yani, konakuli na li Mesia wa hola yani. Nali yena *mutoziwa* yani.

Cwale, yena, Joshua, ni Kalebu, neli bona balumeli mwa sikwata (mulemuhe) ni kulika kuluta babañwi Niti. Kono mwabona, Satani (Datani ni Kora) aeza kuli babañwi ba shwele mwa lihalaupa. Cwale, butata neli bufi?

¹²³ Mulimu na bizize Mushe. Na sa lati kuya. Bapolofita bani ne ba na ni lika za kueza kufitela ba—ba... Neli nto yetata ya kueza. Ne ba sa tabeli kuzwela kwande, kuli ba sehiwe. Neba bata kuba ni kutwano ni kuli bazwelepili ni babañwi mi—mi bazwelepili ni mizwale. Kono mwa bona, kuswana fela inge... Na lumela... Ni libezi kuli neli mupolofita ufi yani, yana bulezzi kuli, "Haiba... Ha ni lati kueza se," (ka manzwi amañwi) "kono pilu yaka kaufela ika ca mulilo. Mulimu u bulezi mi Ni lukela ku I lamulela." Kamba ne ba Li tabela; kamba ne ba mu takisize; kamba ne ba mu pobaula ka macwe; kaufela sene ba ka eza... Mulimu ubulezi mwa pilu ya hae, mi una ni ku Si bulela. Isiñi kuba ya shutana, kono kuba ya utwela. "Ku utwela hande kufita kuipa; ku teezeza, kwa litotolo zenunile." Mwabona, Nelili mwa pilu ya hae. Na lukela kueza cwalo. Neli Bupilo bwa hae. Na si ka Bu lemuha. Nekuna ni sesiñwi, sene si bila, sene si ba hapeleza. Ne ba sa koni ku Li fuyola kamba ku Li kuta. Mulimu nana ni zamaiso yetuna hahulu ya bona kufitela Aba—Aba linzwi la bona, likezo za bona. Haleluya!

¹²⁴ Munife Keleke ye tozizwe hahulu ka kufeletelela ni Mulimu kufitela kezo ya bona ni muzamao kikuli SA BULELA MULENA KISONA, bazamaya mwa Kanya ya Shekina yeo, Ni ka mi bonisa Mesia (yena ya tozizwe ki Mulimu) ya yemi mwa lifasi.

¹²⁵ Neku yemi Mushe mwa sicacani se si tuka sina ni Kanya ya Shekina. Nayemi fani, ali ya tozizwe, na sa zibi sa na sweli kueza mane. Na sweli fela ku utwela Linzwi sene li bulela kuli aeze,

“Beya lizoho la hao mwa sifuba sa hao. Li zwise mwateni. Nopa mulamu wo. Ufetule ube noha. U nepelefafasi hape.” Hakuna taba ka sana bulez yomuñwi, na nza eza ona cwalo.

¹²⁶ Ali, “Mulena, ni bonise Kanya ya Hao, mi Ni itukisize kuya kwa Egepita. Ha ni mutu yaziba kubulela hande. Hanikoni kubulela hande. Kono Ni konise fela kubona Kanya ya Hao.” Mi A mubonisa Yona kuyena. Mi ki ha ya kwa lika zeswana zani, ni kubonisa kuli nali yena Mesia ya tozizwe. Muuna yani a ñwata mubu ni ku unepela mwa moyo, mi linzinzi ni linda za fufa kuzwa mwa liluli lani, ni ku kwahela lifasi. Ki sikamañi sene si ka bupa, haisi Mulimu? Aka mezi mwa nuka ni ku a sel a fa likamba; mi liloteli la mezi kaufela fo ne liwela mwahala Egepita kaufela, ne lifeha mali. Ki sikamañi sene si ka eza cwalo, kono Mulimu? Neli sikamañi sani? Na ipile ka kutala kwa Linzwi la Mulimu le li tozizwe kufitela aba Mesia.

¹²⁷ Maegepita balika ku Li hanyeza ka kuhatikela . . . Baba sa lumeli balika ku Li kasheza kafoo. Balumeli ba kuikeza ne ba likile mikwa ya bona. Kono Linzwi la Mulimu ne li ba isize hande kwa Naha ya Sepiso. Yeo ki niti. Ne ba tozizwe. Ne bali . . . Na li yena Mesia.

¹²⁸ Cwale puzo i taha mwa lihalaupa. Fa kona fo litisa . . . Mwabona, cwale, Ni bata kuli mulemuhe, mizwale baka. Cwale muhupule, sicaba se ne si ikozi limbuyoti zani. Ne ba ikozi kutazo ya mupolofita yo, yena ya tozizwe yoo. Ba mu lumela. Ba mu latelela. Kono kwa zuha mwa lihalaupa mwani, wa libizo la—la Datani, ni alimuñwi wa libizo la Kora. Mi se bali, “Ye ilukela kuba taba ya mutu alimuñwi fela. Mushe u nahana kuli ki yena fela anosi ya bizizwe ki Mulimu.”

¹²⁹ Lona Liñusa la mutu alimuñwi lani, ne ba sa Li lati. Batili, ne ba sa Li lati. Mi Mulimu na si ka talimana kale ni mutu alimuñwi ka nako. Kamita ki Liñusa fela la mutu alimuñwi. Ki lili Fa kile abelekisana ni sikuwata, kwanda mutu alimuñwi? Ki mutu alimuñwi. Ha ki sikuwata. Muna ni buikalabelo ku Mulimu, mañi ni mañi wa mina. Mu li, “Oh, Na lumela Cwalo.” Fela mueze . . . Se mueza, mwa Si tabisanga fela. Mu tabisa muhupulo wateni.

¹³⁰ Ki yo musali ya yemi fa. Ni mutangana yomunyinyani, ya libeleta ku nyala. U kopana ni buino bwaka kaufela. Ki Mukreste yomunde: ubonahala sina ya cwalo, utina sina ya cwalo, ueza sina ya cwalo, upila sina ya cwalo. Ni lumela kuli wakona kuba mufumahali yomunde kuna. Kono ha ki waka kufitela Ni munyalala kuba musala ka luli.

Kona mo liinezi Liñusa cwalo. Mwakona ku utwa makeke ka Lona ni kubulela kuli, “Li lukile.” Kono una ni ku ikungela Lona wena kasibili kuli ube siemba sa Lona. Konakuli wena ni Liñusa mu ba alimuñwi. Kipeto tozo ina ni wena, inge mo ipilela ku babañwi.

¹³¹ Cwale, Satani, na si ka lumela ku Lona. Datani... Anga Datani ni babañwi bene ba si ka lumela ku Lona, za tiseleza kuli kaufela bona ba yundiswe.

Kono mu li, “Libelela fa muzuzu, Muzwale Branham, u li, ‘Babalalu: Mushe, Joshua, ni Kalebu.’” Yeo luli ki niti. Sani kona sene sili teni. “Kono fa u bulela fela kuli, ‘Bababeli.’ U bulela fa kuli ‘Ne kuna ni...’”

¹³² Mu li, “Ki Satani wa za buipiteli.” Kono ne kuna ni Mulimu wa za buipiteli, hape, ya na toza babalalu baa. Cwale, Satani utozizwe fela. Kono yomuñwi wa taha, yomuñwi wa taha, mu libelete fela ka mizuzu yelikani. Wa taha ato iponahaza, libizo la hae ki Balaami. Ki mupolofita ya lata masheleñi; u ipiza kuli mupolofita, mupolofita wa buhata.

¹³³ Kuna ni mifuta kaufela ya bapolofita. Mi kamita ni yemanga hamoho ni Isilaele ni sikhata sani, nekuna ni bapolifita kamita; ona kunyanyabekanga lika kwabona kwani inge mulola, bapolofita ba malukwe, bene ba zamaya hamoho ni bona ka kutabela fela linzwi lelinde la mulena, ni lituso cwalo, mi, ku lukile, sina Akabe ya na bile ni baba mianda yemine babona, kaufela inge apezi hande mwa mikanjo ya bukutazi. Mi a bulelela Je-... a bulelela yena—yena—yena mulena yomutuna kwani, yena Jehoshafati, ali, “Kiñi, luli, Nina ni baba mianda yemine, kaufela ki ba ba lutilwe hande, ki bapolofita ba Maheberu.”

¹³⁴ Mi kaufela bona ba taha ku to polofita. Kono muuna yani na ziba Mulimu hande kuli azibe ze ne fosahalile, kakuli na ziba kuli Elia na sa kutile kale zecwalo cwani. Mi cwale Mulimu na ka fuyola cwani sa Na kutile kale? Na si ke aeza cwalo. Ki hali, “Kikuli una ni neba alimuñwi fela yelukona kubuza kuyena?”

¹³⁵ Ki hali, “Eeh, kuna ni alimuñwi kwanu; Mikaya, ki mwan'a Imila. Kono,” ali, “Ni mutoile.” Ali, “Yena wa luyemanga kasumatondo nako kaufela inza ni tapaula sihulu na kwatensi ni kuni bulelela zemaswe kaufela.” Kukonahala cwani... Tau ne ibopile. Mulimu ubulezi. Ki mañi yasike abulela Niti? Kanti ne li shutana ni Linzwi la Mulimu, nana ni ku kuta taba yateni. Kamita babile ni se, mupolofita wa buhata. Kono babile ni wa niti kamita, hape. Muhupule, nekusina sikolo sa bona kaufela. Neli alimuñwi wa bona. Mi cwalo kona mo kuinezi mwa lizazi lifi kaufela. Cwalo kona mo kuinezi, kacenu.

¹³⁶ Mupolofita wa lizazi le ki lona Linzwi le. Yeo ki niti. Mupolofita, kacenu, ha ki ba kaufela baba shutana... Kiyo fa mupolofita wa Methodist, ni mupolofita wa Baptist, mupolofita wa Pentekota, bapolofita ba mifuta kaufela baba cabukile likaba kaufela, mwa lifasi kaufela. Kono kupale kumane: ku na ni Mupolofita Alimuñwi wa Niti, yaswana maabani, kacenu, ni kuyakuile. Yeo ki niti. Jesu Kreste! Mi ki Yena Linzwi. Yeo ki niti. Ki yena Linzwi: ili Linzwi le li Tozizwe la hola yateni.

¹³⁷ Mu Mulemuhe cwale, halunze lu ya kwapili. Lu fumana kuli Joshua ni Kalebu . . . Mi cwale kiha kutaha Balami ali mupolofita ya lekilwe. Ki sikamañi sa na ezize? Na zamaile kuhatikela fahalimwa Linzwi la Mulimu kaufela, kasamulaho Mulimu amano li bonisa ku yena. U yemela kopano, kacenu. Lu ka bonisa zeo mwa mizuzu fela yelikani; Datani, sa nali sona, ni sene bali sona babañwi kaufela. Cwale Balami na yemela kopano. Mutu yana sa lukeli, kamba ya na lukela kuziba hande. Na zibile kuli sani ne si fosahalile. Kono ki sikamañi sa na ezize kasamulaho? Mulimu a mufa temuso, kono niteñi ahatikela temuso yani. Na lyangani hahulu ka masheleñi ni kabubo kuli na bata kuba wa bona. Mi cwalo kona mo li ezeza likeleke kacenu, lisweli kukena mwa Katengo ka Likeleke za Lifasi kani. Mi temuso kaufela ya utwahala mwahala naha, ni lisupo ni ze komokisa mwa mazazi a maungulo a. Ba kena ku zona nihakulicwalo, kakuli ba lata tumbo ya mutu kufita mo ba latela Linzwi la Mulimu.

¹³⁸ Nina ni mulikani yomunde kwande kwani, ya kutaza liñusa lani; wa Pentekota, kwande inza bulelela batu, kulika kukopanya keleke hamoho. Ka kubulela kuli “lu lukela kutaha ku se, ona muzamao wa swalisano wo.” Kiñi, babañwi ku zona . . . ki ba keleke ya Kreste. Buñata bwa likopano ze mane ha li lumeli mwa kupepwa kwa bwalyanjo, ni lika zeshutana ze kaufela, mi kaufela zona ki za siemba sani. Kana bababeli bakona cwani ku zamaya hamoho ha ba sa lumelelani? Mi, muize “Amen” ku seo, Ha ni zibi ka se cwale: Konakuli mutu cwale ukona kubulela cwani kuli ki Mukreste mi utalizwe ka Moya o Kenile, ni kulatula kuli Linzwi lani ki le liswana maabani, kacenu, ni kuyakuile? Moya o Kenile ku wena uka bulela Linzwi lani, Linzwi kaufela, ka “Amen. Amen. Amen.” Mi Linzwi ha li bulela sika, u li, “Yeo ki Niti.” Amen! Ki . . . kakuli u lumelelana ni Linzwi. U lu melelana ni Mulimu. Wena ni Mulimu mu nto iliñwi. Mulimu u ku wena. Wena u mwana Hae wa mushimani kamba wa musizana wa Hae, si ku eza kuba mesia wa Hae, Linzwi le li tozizwe lipila ku wena.

¹³⁹ Mulemuhe, Balaami nafitile ona mwa lika zani. Nali kopano ye petehile ni kalabo ye petehile kwa maikuto a bona. Sani kona sana bata Datani. Sani kona sa ba bata Kora. Ne ba bata kueza kopano ku yona. Bali, “Luna ni baana baba kenile mwa sibaka se kaufela kwanu.”

¹⁴⁰ Hanina taba kamba batu bababeli ba ka zamaya cwani hamoho, kuna ni shutano mwahala bona. Lingo zaluna ha li swani. Minwana yaluna yemituna yakwa mazoho ha i swani. Kuna ni lika zeñata ka luna . . . Kono lwakona ku cincana mali aluna kufa yomuñwi, neba mwa mambile, niteni ba sa shutana. Konakuli, mwa bona, Mulimu ungangga fela mutu alimuñwi ni kumubeya mwa sibaka sani, mi yomuñwi ulumela ona cwalo.

¹⁴¹ Na bupile mutu alimuñwi, ni batu babañata kuzwa ku yena mutu alimuñwi yani. Sina kaufela ha ne ba shwile ku Adama,

kaufela ba pila ku Kreste. Na ezize nzila iliñwi ya lifu, mi kaufela bakena kuyona. Mi Sa eza ni nzila ya Bupilo, mi buñata bwa baba zamaya ka yona baba ni Bupilo. Kuzwa ku Mutu alimuñwi, isiñi sishañata sa batu kushwa. Sishañata sa batu ne ba sa lukeli kueza sibi. Mutu alimuñwi ki yena ya na ezize sibi silisiñwi. Muuna alimuñwi na lifile mulatu ka kutala. Ha ku sa na kuba ni kuhohoba ka mañwele a hao, ni kubulela kuli *Lumela Maria*, ni lika zeñwi ze kaufela, ni kufa likute kwa batu ba ba shwile. Jesu na shwile kuli Mpo ya Mulimu i be ya mahala. Na lifile sikoloti kaufela ka kutala. Kono mwa bona, lu bata kuba ni sesiñwi sa ku bulela ku Sona.

¹⁴² Mutualime se cwale. Balikani ba ne ba ile kwani mi bali, “Kihande, ulika kuikeza kuba mutu anosi fela mwa sikhwata. U nahana kuli ki wena unosi fela.”

¹⁴³ Mi Mushe na apezi ni bona. Akuta hape, ali, “Ndate...”

¹⁴⁴ Kihali, “Ikauhanye kwatene uzwe ku bona. Ni—Ni—Ni...”

¹⁴⁵ “Kaufela—kaufela babali kwa neku la Mulimu, amutahé kwanu.” Mi A kwalula mubu mane wa ba miza. Kana ki niti yeo? Munahane fela ka zona, muzwale. Oh, mawi! Kiñi hane ba si ka mu lumela? Kiñi hane ba si ka lumela kuli—kuli—kuli Mushe yo neli yena mueteleli yani, wa Mulimu? Ki kabakalañi hane ba bata ku kanana ni yena? Kamita neba tongokoka ni kubilaela, haba bona lizoho la Mulimu ni ku zamamaya mwatasa... Mi Mushe... Mulimu na pakile kuli—kuli Mushe yani neli yena Mesia ya tozizwe wa Hae. Mwa bona? Mi he cwale... Mwabona, mwatasa lipilu zabona, ne ba bata nto yeshutana.

¹⁴⁶ Ki sikamañi sene si ezahalile ku mina Mapentekota? Lilimo nyana kwa mulaho mu zwile mwa masila a bizwa kuli kopano, kuli muikeze kuba Pentekota. Kiñi ha mu bata kukutela ku yona hape? Sikapi ne si na ni kutaha. (Bubeke ne bu siyo, pili.) Mwabona? Mulemuhe, cwalo kona fela mo ne ba ezelize. Mwani neli mwa lipilu za bona. Neba na ni kueza cwalo.

¹⁴⁷ Cwale, mwabona, Datani nana ni mulelo wa kuli ne ba ka eza bulapeli bobutuna kuyona. Mwa ziba, neba muapositola Pitrosi nana ni mulelo oswana fa Lilundu la Petuho. Na ize, “Ha lu yaheni litabernakele zetalu mo; iliñwi kiya Mushe, mi iliñwi ki ya mulao, mi yeñwi ki bapolofita, iliñwi...”

¹⁴⁸ Mi ha na sa bulela, kwa taha Linzwi, le lili, “Yo ki Mwana Ka ya latwa. Mu Mu utwe.” Fani kona hane ba talimile kwa mulaho, se ba boni Jesu fela. Ki Yani na yemi fani. Nali yena Linzwi. Ki yena fela yomulukela ku utwa, lona Linzwi lani. Yani ki Yena mwa lusika lufi kaufela. Mwabona se li bulela Linzwi ka lusika lwani, mi mutualime Mulimu a Li toza, ni kuya ni Lona. Ku felile.

¹⁴⁹ Ba latelela Siita sa Mulilo kwa Naha ya Sepiso. Bani bene baile mwa nzila kaufela ba yo kona, babañwi ne ba yundile. Mulemuhe, neba bata Linzwi le li kopano ni lifasi... la ba tiseza kufosa. Mi mulemuhe sene li ezize kubona. Linzwi... Ne ba Li

mbwinjize kakuli ne ba si ke kuamuhela Linzwi le li tozizwe. Mwabona, u lukela kuba ni sa buhata . . . Sapili u lukela kuba ni za niti, kuli kube za buhata zezwa ku sona. Mi nebana ni yona, mi Mulimu abonisa kuli Na si ni zona.

¹⁵⁰ Mu nahane ka swanelo ka mo Linzwi ne li zibahalizwe kubona, ka ku bonahazwa kubona. Kaufela za na polofitile Mushe ne li ka ezahahaha. Kuli na ba biziwe ku baisa kwa Naha ya Sepiso. Lika kaufela za na polofitile Mushe, ona kwani. Hakuna Linzwi la Teni le li palezwi. Ha ki litohonolo ni leo mo ne li lukela kubela, ka kuziba kuli no zamaya mwa lihalaupa . . . Mi kwani, kasamulaho . . . Fani hana ba bulelezi Liñusa, neba na ni ku Li lumela pili. Kono kasamulaho amano ba zwisa kwani, mi Mulimu ali, “Ni ka ba bonisa kuli Kina Siita sa Mulilo se ne mu katani mwa lihalaupa.”

¹⁵¹ Kacwalo ki Hali, “U ba kubukanye hamoho mwa lilundu.” Mi Ataha fahalimwa Lilundu la Sinai. Mi Mulimu akala ku utwahalisa mishika.

¹⁵² Mi sicaba sali, “Usike wa tuhela kuli Mulimu abulele. Mutuhele Mushe abulele. Usike wa lumeleza . . .”

¹⁵³ Mulimu ali, “Hani sa tola ni ambola ni bona mwa mukwa woo, kono Ni ka ba tiseza mupolofita ya ka bulela ka Libizo la Ka.” Mwabona? Kacwalo lufumana kuli sanbi kona sa ezize Mulimu kamita. Kiñi ha ne ba si ka bona cwalo kwa simuluho? Kubona lika ze kaufela, mi ni kutongoka kunyaza Liñusa lene li ba isa kwa Naha ya Sepiso; lene li ba lwezi hande, ni ku ba isa kwa Naha ya Sepiso. Kono niteñi . . . ne ba na ni kutongoka ka Lona. Munahane, kupetahala kwateni . . . mo ne ba ka zamaela zazi ni zazi, kuzamaya ni Mulena. Ha ki bupilo bwa kupila ni boo, ona mwa lihalaupa mwani! Ka nako ya busihu . . . Manna ni manna ya kakusasana, yene wa busihu.

¹⁵⁴ Mwa ziba, ne i bile nyikwisa hahulu kubona kufitela ba bubela kuli, “Miyo yaluna inyikilwe ki Sinkwa se.” Mwabona? Mi kona mo kubeki ni luna. Ni nahana fela ka likwata nyana zeo luna . . . mwa bulukiwa nyana fela bwaka, mwa naha kaufela. Isiñi kubona fela lifoliso ni lika zeñwi; zeo libile teñi kamita. Foliso; Mulimu kamita ubile ni foliso ye ezahalela kokuñwi. Mane Nana ni—ni—ni Lingeloi lene lili kwa lisa nako yeñwi. Mi Yena . . . mifuta ya lika kaufela. Mi—mi nboha ya sipi mwa lihalaupa. Mubile ni lisupo za kufolisa kamita. (Zeo ha ki zona ze Ni bulela.) Foliso ki nto iliñwi ye hoha ngana ya sicaba. Mutu kaufela uka lumeleza masheleñi kwa tuso ya sebelezo ya foliso. Baka—baka tusa neba mukiti wa lipina. Kono cwale ha litaha kwa lisiba sa miyo ye latehile, hakuna se bana ni sa kueza ni zona. Mwabona, cwale kana yeo ha kinto yende nji? Mwabona? Luna ni lika kaufela . . . kwa moyo o shebile o lateha. Hakuna se lutabela kueza ni zeo. Ba ka mu lumeleza kukena mwa sika

kaufela. Kuli, "Kihande, zeo li lukile, ki za keleke. Halina ku filikanya sika kaufela."

¹⁵⁵ Kono cwale, lu fumana fa . . . (Kutaha kwa kukwala kapili mo lu konela fa.) Munahane ka mo ne libezi ze petehile. Ni talima mwahala—mwahala mazazi e lubile mwa lifasi le. Mutualime sa ezize Mulena Mulimu. Ne li kalezi mwa lisupo zetuna, ni ze komokisa, ni limakazo, ze ne luikola kaufela zona. Mi mutualime . . . Mi kwa taha Liñusa mwa mulaho wa lona.

¹⁵⁶ Mutualime se si ezahalile. Mu zamaye hamoho, isiñi fela kuli unosi, mutu abe ni wena. Muboni mundandwe wa Mangeloi ataha kuzwa kwa Lihalimu, ku to nyunga lifasi kaufela, inge luyemi fani. Mi mutende wa liñola; kanti ne li bulezwi kale likweli na likweli li si ka ezahala kale. Mi Na yemi fani, ni kubulela kuli, "Nako i fa kaufi,amu kute. Kukwalula Maswayo Asupa a likunutu apatilwe mwa kuonga-onga ni lika zeñwi, ku li shitula." Mi kipeto kutaha kuto kutaza *Peu ya Noha*, ni lika ze kaufela ona cwalo. Mi ki sikamañi sa eza muituti wa za bulapeli? Kufita kubulela kuli . . . "Kiñi, Luther na bulezi se kamba sani." Bona fela . . . Habana ku li bona. Mwabona? Kono ha ki litohonolo ni leo ku luna baba lumela; ku zamaya Fapil'a Mulimu, zazi ni zazi.

¹⁵⁷ Lwa yema fani ni kubona kakundukundu kaka taha ku zwelela mwahalimu. La pancisa lilundu mwa liemba zepelli, inge luyemi kwani fo ne luinzi; la sehulula likota fahalimu ni lika zecwalo. Mi mushika wa Linzwi wa taha fani kunyunga linako zetalu, wali, "U talime ha liya kwa Likamba la Wiko." Wa ya cwalo kulo kwani ni kunyunga Alaska. Ni kutaha cwalo kwa Likamba la Wiko cwale. Ona cwalo fela.

¹⁵⁸ Zazi la kwa mulaho, Na nga licwe ni ku li yumbela mwa halimu, mi ali, "SA BULELA MULENA KISONA, 'Hola ki ye fa, katulo ika kala mwa lifasi. Lizikinyeho ni lika kaufela li ka ezahala. Mi Likamba la Wiko kaufela li ka nyanganyiswa ni zeñwi cwalo.'" Mutualime kupetahala kwatemi. Zazi ni zazi, lika kaufela ona cwalo fela mwa Na bulezezi. Kana lukona cwani kukuta, mizwale? Halu bulukeni tumelo ku Yena.

¹⁵⁹ Ba li, "Yo ki mañi?" Lwa ziba yo Ali yena. Ki Jesu Kreste ya swana maabani, kacenu, ni kuyakuile, ona Siita sa Mulilo. Nako ya Mushe, mutualime sene I ezize; ne si swanisisa Siita sa Mulilo kacunu. Kamita ki . . . Kiñi hane ba si ka lumela kuli Jesu ki yena Linzwi? Nebana ni toloko ye fosahalile ni kutwisiso. Inge fela Eva mwa na ezelize, kona mo ba ezeza ni cwale.

¹⁶⁰ Konakuli kanti Balami ni tuto ya hae ne li ba swanelia. Mi za zamaeleta fela ni maikuto abona ona cwalo. Kwa mukiti, mutualime . . . Kwa Mukiti wa ma Moabi, mwabona . . . Oh, sa na bulezi. Mutualime, ku cwalo, ka mo siswaniso sani sa kacenu, mo si swaniseza kwa mulaho. (Ni mi buluka nako yetelele hahulu.) Kono mutualime, mulemuhe, fa nako nyana fela, Mukiti wa ma ma

Moabi. Mwabona, haiba na si ka isa ka nzila iliñwi yani, Balaami naezeze cwalo, kona kuli aba kopanya hamoho. Haina na palelwa ku ba kuta yena kasibili . . . Hana sweli ku ba kuta cwalo, kona Mulimu mwa na nza mu fuyolela. Azwelapili fela . . .

¹⁶¹ Mwabona, kona sa na ezize kwa Mapentekota. Ne ba bulezi lilimo nyana kwa mulaho, kaufela ha ne mu kalile neba bulela kuli, “Hakuna ko mu ka ya. Nekusina sika ku mina. Muka—muka katala. Mu sikwata fela sa bafitelezi ba tumelo.” Kono nako kaufela ha ne balika kumi kuta, mwa kuta ka mata hape. Mulimu na zwezi pili kupatulula Liñusa la Hae. Kukalela kwani kwa Muyaho wa kale, kukuta kwa simuluho luli, Katengo ka Katuna. Mi ki Ha tisa mwateni nako ye ba amuhela Libizo la Jesu Kreste kwa kolobezo ya mezi. Mi alimuñwi atula ka nzila ye, mi yomuñwi ni yomuñwi, mi yomuñwi a zwa . . . ; a ongaonga se ni *sani*. Mulimu a zwelapili mbuyoti.

¹⁶² Cwale, kihande, na boni kuli na si ka kona ku mi kuta. Mwabona? Cwale ki sikamañi sa ka eza? U ka mi onga onfa. Ku mitisa . . . “Oh, lu nto iliñwi mane.” Mwabona? “Kaufela lu lumela ku Mulimu yaswana.” Kacwalo kona fela sa na ezize Balaami seo. Mi hanili Juda na lu lemusize ka zona? Ba mata ka nzila ya . . . ka tuto ya Balaami ni kuipulaya ka kuikumusa sina Kora. Hanili Juda, muzwale wa mutose wa Jesu, hanili na lu lemusize ka zona mwa Bibele? Ba swana sina Kaine, kuzwa kwa simuluho, ya sebeza bakeñisa masheleñi. Yena yanaile kwa keleke ni kuyaha likeleke ni—ni kuyaha aletare ni kufa sitabelo. Ne ba fosize ka nzila ya Kaine. Ba ile ka nzila ya Balaami, ni kuipulaya ka kuikumusa sina Kora. Juda u beya lika kaufela hande inge mo lu ezeza kakusasana cwana, kwanu fapila mina, sina ha lubile lu eza cwalo. Taba yateni kaufela iteni foo.

¹⁶³ Ne ba yundezi mwa litaba za lishano za Kora. Munahane fela ka zona, mo ne libezi ze maswe. Ka kunahana fela kuli Kora . . . Mwabona, na ize, “Cwale, kaufela luna lu ka ya kwa mukiti. Kaufela luna lu nto iliñwi.” Ma Moabi ne ba lumela ku Mulimu. Bani neli bana ba Lota. Mwabona? “Luna kaufela lu lumela ku Mulimu alimuñwi.” Ka litaba za makalelo, nebali baba lukile ka swanelo. Mutualime Balami fahalimu fani, ka milao fela sina Baptist kaufela kamba Presbyterian kacenu. Na zwezi kwande kwani mi nekuna ni Isilaele, yene si ka likopano . . . Nebali nahia. Isilaele ne si nahia, neli sicaba, ka nako yani. Ne ba sa lati kuya ka nzila ya Mulimu, kasamulaho nyana. Neba bata kuba sina linaha zeñwi. Fani kona fo ne ba palelezwi. Kono ibile fela ba bata kuina ni Mulimu, ku lukile.

¹⁶⁴ Balami azwela fande, atalima fafasi, ali, “Kihande, mawi! Na ziba alimuñwi wa bakutazi bani na nyezi musala mutu.” Liki zeñwi ze kaufela, oh luli, neba na ni zeñata. A libala kuutwa muhuwo wa—wa Mulena mwa mafulo. Na si ka bona Licwe le li natilwe lani, mi noha ya kopa yani inge i lepelela fani kuba swalelo. Na si ka lemuha kuli ne ba si ka swalisana ni kopano ifi

kaufela. Ne ba tamahana kwa Buitamo bwa Mulimu, mi ne ba sweli kuzamaya ku zona. Mwabona? Mi Balamali ali, ka swanelo, “Mu ni yahele lialetare ze supile.” Sani kona sa na tokwa Jehova. Sani kona sana nani Jehova kwa maneku amabeli kaufela. “Ku lukile, kubeya maneku a supile ku sona.” Sani kona se ne ba eza kulo kwani mwa mafulo. “Mu ni fe litotolo ze sebene kakuli ku ka taha Mesia zazi leliñwi.” Ku lukile.

¹⁶⁵ Mwabona, ka litaba za milao ya makalelo, sibeli sa bona ne ba lukile; ka milao. Mwabona? Kono zazi leliñwi ha ba boni kuli na si ke a muswala kusani, ki hali, “Haiba lukona fela kuikopanya hamoho kanti.” Mi fani kona fo ne ba ezelize mafosisa a bona.

¹⁶⁶ Mi ona foo kona Pentekota fo ne iezelize mafosisa ayona; ha ne i ongaongile likeleke zeñwi kaufela. Ha ni sila sa mina. Ni muzwale wa mina. Leliñwi la mazazi a mu ka fumana kuli ki niti yeo. Kwa kona kuliyeha nyana, lizazi lina ni kufetuha nyana, kono zazi leliñwi mu ka bona kuli ki niti yeo.

¹⁶⁷ Mi tuto ya Balaami ya ba fitela... Kona fela ze ne ba bata. “Kaufela lu nto iliñwi.” Mwabona? Kacwalo, ki bao baya. Bapolofita ba bona kaufela ni babañwi ba zamaelela ni bona. Mi neli kwa mukiti, ya swana a bulela kuli, “Mi kaufela lu lumela kuli kuna ni Mulimu alimuñwi. Ha lu lumeleñi cwalo.” Ona cwalo fela zene ba bata, ona cwalo fela.

¹⁶⁸ Cwale ba Methodist ni Baptist ha ba sa koni kutaha hamoho bakeñisa kopano yabona, kono ha ku taha kopano yetuna, yekona ku lutisa hamoho kaufela, ku lukile. “Oh,” mu li, “ma Pentekota habana ku li amuhela.” Habana ku li amuhela? Ki sikamañi sene ba ezize zazi leliñwi kwa Missouri? Ne mu babile mitende ya mina, kicona. Mwabona? Hamuna kueza? Batili, isiñi mina Mapentekota, mina sicaba; kono ha ki mina, ki ona muso wani kwani osweli ku mi zamaisa. Yani kona toho yesweli ku mi zamaisa. Yeo ki niti. Musike mwa ya ni yona. Muinele kwahule ni nto yani, yani kona nombolo ya sibatana. Mu lukuluhe kuzona kapili fela mo mu konela. Mwabona? Yani ki keleke... Ki toho ya muso yesweli kuzamaisa lika.

¹⁶⁹ Nelsike lwakona ku yo ba ni ndwa ni Germany ku iliñwi ya zona ze kaufela, nekusia batu babatuna ba litaba za naha ze kwanu kuli ba eze litobolo zenza ni kukalisa... Ha ni lati masheleñi azwa mwa... mali a masheleñi azwa ku mwanake, ya lukela kuzwela kwande ku yo shwa. Mwabona? Kono zeo kona mo liinezi, ki litaba za naha ze eza lika. Mi lifasi kaufela li zamaiswa ki diabolosi. Ona zeo kona za na bulezí Jesu. Mi halina kuba hande konji Mileniamu, fo Jesu ha taha ku to busa. Kono haili cwale luna ni matata aa. (Alu akufeni kuli lukone kufeza cwale.)

¹⁷⁰ Zona ze be batiwa fela... sona sika luli. Ona zani kona fela zene ba bata. Tulo ya Satani kwa Mukiti wa ma Moabi. Una ni

omuñwi otaha, hape. U ba kenya kaufela mwa nzila yeswana. Amulibelele... Ona fani fela! Munahane fela ze ba ezize. Kwa swana ni mo ne kuinezi. Ne li si ka nga nako yetuna, yetelele, sina lilimo zetaalu, zene kuli liezahale. Bona... mupolofita wa buhata, muuna ya na zamaile fahalimwa Linzwi la Mulimu... temuso kaufela yeo Mulimu alumile mwahala naha, mi aba bulelala kuli, "Amuzwe ku zona! Amuzwe ku zona! Amuzwe ku zona!" Habana kueza cwalo. Baka ineleta ona fani.

¹⁷¹ Ha ba lemuhi Linzwi la Mulimu, ba tokolomoha Manzwi, ku tokolomoha lisupo, ku tokolomoha lika ze luli ku zona. Bazwelapili cwalo, "Lu kaba ni zona kupale kumane. Lwa zwelapili ona cwalo. Luna ni kuba ni zona. Ku felile. Kaufela lunto iliñwi." Mwabona bukuba bwa diabolosi nji? Yeo kinto yeswana yene ba ezize kwa Mukiti wa Nicaea, kwa Nicaea, Rome. Ba bupa kopano ku yona, mi sani kona sene si ezahalile. Satani nana ni Mukiti wa Nicaea. Oh, mawi! Mi kuzwa nako yeo... Amuteeleze, Ni ka bulela linzwi lelituna fa cwale. Mi wena yali fa tepu ya bata kukanana ni taba ye, ikanane unosi, ni litaba za kale, ni Bibebe, mwabona, kono usike wa ni kananisa.

¹⁷² Muteeleze! Nako kaufela yeo Mulimu alumia numwana ni kutisa Liñusa kuli likalise... Mi cwale keleke yani, sikuwata sa batu sani ha si ba mukiti wa kopano... Kwani kona ko bha li ezeza. Fani kona fo ne mu ezelize mina ba Assemblies. Fani kona fo ne mu ezelize ba Oneness. Kwani kona ko ne mu ezelize mina babañwi kaufela, kwa mukiti wa kopano ya mina, ku icocomeza mwa lika zeswana zeo Mulimu na kutile kwa simuluhu. Yeo luli kona Niti. Nako kaufela yeo keleke ikile ya ba ni ncafazo... Mwa nako ya Luther, mi ni... Ki sikamañi sene si ezahalile? Ba Methodist... mwahala masika kaufela... Zwingli, Finely, Finney, babañwi babona kaufela, hane bana ni ncafazo, ki sikamañi sene ba ezize ni yona? Ba li nepela mwa mukiti wa kopano, ni kuhohoba ni babañwi ba bona, ba beya libizo ku mina sina babañwi ba bona. Kona kuli muna ni sikuwata sa batu baba mi busa. Moya o Kenile haukonni kushenya fapata. Yeo ki niti. Ha u kala kula kuluta taba yeo Bibebe iluta, ina yona, mi kopano ipalelwu kulumela cwalo; i ka ku lelekela kwande. Mulike cwalo hañwi mi mubone haiba ki niti kamba nee. Muka bona kuli ki Niti. Mwabona, kwa mukiti wa kopano ka nako kaufela ha ba bizezwu kwateni, ona mukiti wa Balaami wani, butata bwa kena mwateni. Oh, Luther, Wesley, Pentekota, ni babañwi kaufela bana ni mulatu kuzona.

¹⁷³ Mulemuhe, neli ona fani, haleluya, fani Mushe ha to taha ni kubulela kuli, "Ki mañi ya inzi kwa neku laka ni Mulimu?" Amen! Neli ka nako yani Mulivi a comola mukwale wa hae mi aya mwa mafulo ni ku yo bulaya lika kaufela zani ne li tamahana ni zona. Amen! Liki kaufela; muuna kaufela yana nani musali wa mu Moabi, na ba bulaezi hamoho. Cwale nako itile. Ukai muuna yani? Kanti bana ba bashimani ba Aruni bakai, baprisita

babañwi baba itakaleza kuhoha Linzwi la Mulimu, Mukwale o buhali kwa maneku amabeli wo? Ali, “Ki mañi ya ni yemela ni Mulimu?” U inzi kai? Wakona kumema, kumema kono hakuna ya ka alaba. Mwabona se Ni talusa? Ha lu li utwisisi. Fela luna... Kuna ni se si fosahalile. Mulemuhe, kibani nebali fani... Neli fani Mushe ha to yema ni kubulela lika ze.

¹⁷⁴ Mulemuhe, sibi sa bona, sene ba ezize kwani, hane ba ikongakongile ni Moabi ni kuba eza mubili ulimuñwi... Sibi sani ne si si si ka swalelwa. Ni ka siya fela zeo fa muzuzu fela. (Nako se ifelile, kono fa muzuzu fela.) Sibi sa bona ne si si ka swalelwa. Hakuna neba alimuñwi wabona ya na ilo fita kwa Naha ya Sepiso. Jesu naize mwa, mu ni swalele, ki Muñoli Joani 6, Jesu naize ku Muñoli Joani 6, hane ba bulezi kuli, “Bo kuku aluna ne ba cile manna mwa lihalaupa”... Nebali Mapentekota. Muzwale, neba cile manna, neba na ni taba ya niti.

¹⁷⁵ Jesu naize, “Mi bona, mañi ni mañi, ba shwile. Ba shwile. Ba icongile Kuyakuile.” Libi za bona ne li si ka swalelwa. Ki sikamañi sene ba ezize? Ne ba sinyize bulikani bwa bona ni Mulimu, ni ku ikopanya ni Balami, mupolofita ya lekilwe yasike kuamuhela temuso ya Mulimu; hakoni kuamuhela Linzwi la Mulimu; nasike ku amuhela sika ku Mulimu. Kono na pihelela kuli uka ba kopanya kaufela hamoho kuba alimuñwi. Kana mwabona bukuba bwateni? Nakona kuinelela fo fa nako yetelele, kono Ni—Ni sepa mu utwile. Mwabona? Mulemuhe, sibi sa bona ne si si ka swalelwa; hakuna neba alimuñwi wabona ya na pila mwataswa limbuyoti zani ni kuca manna ni lika kaufela.

¹⁷⁶ Fani la niti, Liñusa la niti ha li taha kwa kangisano, ba liongaonga. “Lu ka nga ma Moabi ni luna hamoho. Ki sikuwata se situna, ki naha yetuna. Mane haluna neba... Luna mane ha lu naha. Lu ka nyalana fela mwahala luna mi—mi lukaba fela hande foo. Lu kaba ni bona.” Mi ne ba si ka swalelwa; kwali kuba, ne ba si ka swalelwa.

¹⁷⁷ Jesu naize, “Bani, kaufela bona, ba *shwile*.” Mutoloke linzwi lani mwa Siheberu kamba Sigerike, yeñwi ya zona, kamba neba mwa Sikuwa, li talusa kuli “kauhano ya Kuyakuile”; kuiconga kamita. Yeo ki niti.

¹⁷⁸ Oh, eeni, ne ba boni limakazo. Ne ba boni Linzwi le li tozizwe. Ne ba cile manna yene zwile kwa Lihalimu. Ne ba ikozi limbuyoti za swalelo. Ne ba boni Licwe le li natilwe la fa mezi a Lona. Ba nwa ku Lona. Ne ba zibana ni Lona. Kono hane litille kwa ku kwalula Linzwi lani... Musike mwa libala zeo! Mi Jesu hana ize kuli, “Na ni Ndate lu Nto iliñwi,” na si ka bulela kuli ki babalalu. Huh? Fani ona litaba zeñwi ze kaufela za butokwa za Mañolo...

¹⁷⁹ Muuna yomuñwi natile kuna busihu bobuñwi ku ni bonisa fo ne Ni fosa, kamba kubulela ka za bulalu bwa bumulimu. Nina ni balikani babande ba trinity likitkiti. Bainzi mwa Babilona

mwani. Ni na ni balikani babañata ba Oneness mwa Babilona mwani, hape. Mwabona? Kono ki sikamañi sene si ezahalile? Ki hali, “Ki mubulelelo, Muzwale Branham. Wa lumela mwa bulalu?”

¹⁸⁰ Se nili, “Kiniti.” Se nili, “Ni ka nga linzwi la hao: mubulelelo.” Se nili, “U lumela cwani zeo?”

Ki hali, “Ni lumela ku Mulimu alimuñwi.”

Ni li, “U eza hande.” Mwabona?

Ki hali, “Ni lumela kuli kuna ni Mulimu alimuñwi, ni batu babalalu mwa toho ya Bumulimu.”

Se nili, “Kana wena ha u—ha u muituti wa BIOLA?”

Ki hali, “Eeni.”

¹⁸¹ Se nili, “Ku utwahala sina cwalo.” Se nili, “Sani ha si utwahali hande kwa tuto ya hao.” Se nili, “Batu babalalu, ni Mulimu alimuñwi?” Se nili, “Kuya ka Webster, fani, sina ni kuba ni butu ku si kaba kale mutu. U lumela mwa balimu babalalu, muñaka.” Haukonni kuba mutu kusina kuba ni butu, kakuli silwala butu kuli kube mutu.

¹⁸² Kacwalo se bali... Ki hali, “Kihande, Bo. Branham, mwa ziba, mane ni—ni baituti ba za bulapeli habakoni ku li toloka.”

¹⁸³ Se nili, “Yeo luli ki niti. Linzwi ha li tahangi ku muituti wa za bulapeli.” Uh-huh. Se nili, “Bibebe kaufela yona itomilwe mwa Sinulo, ‘Fahalimwa licwe le Ni ka yaha Keleke ya Ka, mi minyako ya lihele haina ku I koma.’” Mwabona? Amen, ki fo he cwale. Mwabona? Kono cwale ha li taha kwa lika zeo... Oh, mawi!

¹⁸⁴ Cwale lu bata ku akufa mi lu kwale kapili haiba lu kona. Ni lukela kufitelela amañwi a Mañolo aa ni litaba zeñozwi, mwabona. Cwale, mulemuhe, ne ba si ka swalelwa ka sene ba ezize. Ki sikamañi sene ba ezize? Ne ba ikozi limbuyoti. Musike mwa libala zeo. Ni ka kutela fateni hape. Ne ba si ka swalelwa ka zona. Muhupule, tepu ye iya mwahala lifasi. Mwabona? A liziwanga mwa likwata za Africa, India, mwahala lifasi kaufela; ye ngilwe mwa mishobo ye shutana; ni libaka ze shutana, libaka ze shutana. Sibi ne si si ka swalelwa. Sikamañi? Neba... .

¹⁸⁵ Mu li, “Kihande, kufuyolwe Mulimu, Ni—Ni ezize se. Ni—Ni—Ni ezize se. Ni cile mamma ya Lihalimu. Ni... ”

¹⁸⁶ Eehe, ne ba ezize cwalo, nibona. Mi Jesu ali, “Bona, mañi ni mañi, ba shwile.” Kono hane litile kwa Liñusa leli swanelia, koo, ba sa lukeli kusinya Bulikani bwani, ni naha isili. Mulimu nelii wa saluluti mi ki Ha aba sicaba sani, mi ne ba sa lukeli kuba ni sa kueza ni yomoñwi, ku nyalana mwahala bona. Mi Keleke ya niti, ni Munyaliwa wa Kreste, i tamahani ku Kreste ili yena Linzwi. Mi ha u lukeli kunyalwa mwa katengo kaufela, kamba kopano. Upile hande ni Kreste ni Linzwi lani, wena kakuba unosi. Kueza

cwalo ki kauhano ya Kuyakuile ni Mulimu. Ni sepa kuli mañi ni mañi wa utwisisa zeo.

¹⁸⁷ Cwale, mwa palo ya luna, neli bukaufi ni Mukiti wa Paseka; o no sweli kuezahala. Ne li nako yesabisa. Sicaba ne si lobala fande a minyako. Paseka ni paseka ne ezahala ona cwalo. Nebali fande inge ba lobala mwa mubu. Malobalo natezi kaufela ni libaka kaufela. Ne li paseka. Nekuna ni tibelelo yetuna kwani. Moya no tezi. (Cwale, mwendi ka mizuzu yeketalizoho fela Ni kabe ni zwile, Mulena ha lata, kamba lishumi.) Mañi ni mañi na tabezi.

¹⁸⁸ Mutualime, ki zeo likwata zetalu za batu kwani. Mwabona, nekuna ni tibelelo yetuna. Ne ba ziba kuli muuna wa muenyi yo na taha kwa mukiti woo. Babañwi ba bona ne ba Mu *lata*; ne ba Mu lumela. Babañwi ba bona ne ba Mu *toile*; buñata bwa bona ne ba Mu toile. Mi kakuli alimuñwi na Mu lata mi yomuñwi na Mu toile, mutu wa fahali *na sa zibi* za kueza. Mwabona? Ne ba sa zibi. Mulemuhe, moya no tezi tibelelo. Alimuñwi uli, “Ha ka fita kwani, Na ku bulelela lu ka Mu biza . . . Lu ka Mu fa tatubo ya Linzwi. Lu ka Mu yemisa fani bukaufi ni muprisita yomutuna. Lu ka bona seo butali bwa Hae bo bu sepilwe ku Kefasi.” Na sa bonisize kalee zeo. Mwabona?

¹⁸⁹ “Kono lu ka eza se: Lu ka bona . . . Ni ziba kuli babañwi ba baeteleli babatuna ba ka Mu swala. Mushimani, ba ka futula ndate tuna yani za mwahali likataha fande. Ba ka Mu lumeleza kuziba sa Nali sona, ha ba ka kala ku keshebisa baprisita baluna. Mushimani, ba ziba se basweli kueza. Ki baana baba butali. Ba ziba se ba eza.”

¹⁹⁰ Babañwi bali, “Ha ni zibi se ba ka eza ni mutangana yani nihakuli cwalo.”

¹⁹¹ Babañwi bali, “Oh, Ni libelezi kuli Atahe. Mulimu una ni Yena. Ki yena Linzwi lani. Oh, Ni bata fela—Ni bata fela ku Mu bona.” Mwabona? Oh, ne ba ikabile. Cwale, mwabona, bona bene ba Mu ziba ni ku Mu lumela, neba ka ziba munyako wa kulibelela. Mwabona? Ne ba ziba nzila ya Na taha ka yona. Kuna ni tibelelo yetuna, kono mwa ziba, nekusina babañata bene ba Mu boni. Mwabona, kuna ni babañata bene ba si ka Mu bona. Kona mo kuinezi ni kacenu.

¹⁹² Babañwi ba bona bali, “Ki muuna yomunde. Oh, hakuna se si fosahalile ku Yena,” inge Napoleon, Washington, “Ki muuna yomunde. Kono, oh, kakuba muluti, batili, batili.”

¹⁹³ Babañwi ba bona bali, “Oh, Ki muuna yomunde. Oh, Yena—Yena u lyangani fela, ku felile. Ki mutangana yomunde. Hakuna mutu yakona kubulela ze maswe ka Yena.”

¹⁹⁴ Babañwi bali, “Batili, Yena—Yena ki diabulosi, Na kona ku mi bulelala cwalo. Kuli kuna ni litaba za minahano ni lika zeñwi ze kaufela, mi zeo, ki bupolofita bwa buhata. Za shutana ni tuto ya tumelo ya luna. Musike mwa lumela lika ze cwalo.”

¹⁹⁵ Mi yomuñwi, ali, “Kanya ku Mulimu, Ki Mulimu. Na Mu ziba, Na . . .” Cwale mwa bona. Mi ne ba libelela. Cwale cwalo kona mo lu yemela kacenu, kono ki nto yeswana: Linzwi le li tozizwe la hola ye; Lusika lwa Keleke ya Laodesia.

¹⁹⁶ Cwale lu ka kwala ka kubulela cwana. (Fa nako nyana fela.) Likwata zetalu ne li Mu libelezi. Kona mo kuinezi ni kacenu, yeo ki niti, zetalu. Mulemuhe, balumeli ne ba huwaka. Mwabona? Mwabona? Bulumiwa bwa Hae ne bu Mu ezize kuli a latiwe ki babañwi, ni kutoiwa ki babañwi, ni kuhakanyehiwa ki sikuwata sesiñwi. Mwabona? Bulumiwa bwa hae . . . Halu boneñi ni bulele sani hape. Bulumiwa bwa hae, kaufela seo nebuli sona . . . Lwa ziba cwale, Neli Linzwi. Kono *bulumiwa* bwa Hae ne bu tisize sicaba sesiñwi kuli si Mu late. Ne ba lukiselizwe kueza cwalo. Mwabona, ne ba lumela cwalo. Ne ba li boni. Nekusina ni hanyinyani, fani Natanaele hana tile kwani, mi—mi ki Hali, “neli . . .” ku yena sa Na ezize sina cwalo, na ize, “Muluti, Ki wena Mwana Mulimu, Wena u Mulena wa Isilaele, hakuna puzo mwa munahano waka.”

¹⁹⁷ Simoni na yemi fani, ali, “Oh, Andreasi, Ha ni yi kwateni. Ni utwile litaba zani kaufela haisali.”

¹⁹⁸ “Kono,” Andreasi, “u lukela kutaha. U lukela kutaha, utahe fela nako iliñwi nina.”

¹⁹⁹ Mi ha Na sa inzi fani, Jesu a mu bona inza taha, mwa ziba, inza taha. Ali, “Libizo la hao ki wena Simoni. Wena u mwana Jonasi.” Nekusina puzo hape. Mwabona, kona fela ze ne liteni ku zona. Nebali kwani. Ne ba lumela cwalo. Ne ba li boni. Ne ba ziba kuli kona sa na lukela kueza Mesia Ha taha.

²⁰⁰ Nana ni kuba Mupolofita, kakuli Mushe naize, “Ukaba Mupolofita.” Mi bahanyezi ba ne se ba bile ka myaha yemianda yemine kusina mupolofita, ne si ngile mupolofita kuli a li lukise hande, kamita ki mwa lusika lufi kaufela. Mi fa Na yemni fani.

²⁰¹ Nekusina puzo ku bona. Ne ba sweli kulibelela kwani ni linzalu mwa mazoho a bona, “Ukaba teni kasamulaho nyana.” Kulibelela!

²⁰² Muleneñi kaufela, maefeefe. Se bali, “Sani ki sikuwata sa bafitelezi ba tumelo se si kopani fa munyako.”

²⁰³ Yomuñwi ali, “Ha ni zibi Sa ka eza Ha ka bonahala fa. Mwa ziba, Ni—Ni lumela kuli Ki kuluku fela. Ni sepa kuli Una ni mulyani wa lihutu la shakame Wa lambanga kwa zebe ya Hae, mwa ziba, kamba nto yeñwi ye cwalo, mwa ziba.”

²⁰⁴ Mi sina ha ba bulela kacenu, “Oh, kuswana sina kunuha ni kulemuha minahano ya batu. Ki—ki nto yeñwi . . .” Bakona ku li tatulula ka mafosisa.

²⁰⁵ Yomuñwi naize, “Yani ki diabolosi. U inele kwa neku la muleneñi wo. Usike wa ba ni sa kueza ni zeo. Usike wa ikopanya

mwa mukopano wani. Usike wa ya kwani, mwabona. Haluna kuba ni sa kueza ni zona.” Likwata zetalu za batu.

²⁰⁶ Cwale mutualime. Cwale ki yo Wa taha inza pahami kukena mwa munzi. Ona cwalo fela Linzwi mo ne li bulelezi kuli Uka eza. Inza pahami fa tonki, kutaha mwa munzi. Bani bene ba sa talimi fa lituto za litumelo, bene ba sa talimi fa Tempele, kusina kutalima kwa lika lisili ze kaufela, kusina kutalima baprisita, ze ne ba bulela. Bani bene ba Mu lumela, ne ba yemi fani ni nzalu mwa mazoho abona. Inge ba libelezi fela muzamao wapili. Ne mu si ka ba utwa ha ba bulela kuli, “Ki mañi ya taha yoo?” Oh, batili! Ne ba ziba Ya na taha. Ne ba ziba sene li bulezi Linzwi. Mwabona? Mi sitopa sesiñwi, mwa ba bona ha ba kutela mwa muleneñi? Mi cwale ha ba utwa lilata le: “Hosanna ku Mulena! Hosanna ku Mulena ya taha ka Libizo la Mulena. Hosanna! Hosanna!” Ni kuhuwa kaufela!

²⁰⁷ Baprista ba matela kwande ku yo bona siimpiti sani kuli neli sa mañi. Mi batu se bali, “Ki mañi yoo?” Ne ba bezi sikamañi kwani, balikani? Neli mukiti wa bulapeli! Yena Mulimu luli ya an ba lukiselize Mukiti woo, na ba bulelezi kuli Ukaba kwani ona cwalo, mi se ba huwa, “Ki mañi yoo?”

²⁰⁸ Nako ha i si ka cinca. Batu ba sa inzi fela sina sapili mo ne ba belanga nako yakale. Maheberu 13:8 ili, “Wa swana maabani, kacenu ni kuyakuile.” Cwale Ni ka kwala ka kubulela cwana: Puzo haisali ku bona batili. Ne ba buzize kuli, “Ki mañi yani?” Kono mwa 1964, puzo kikuli: “U bulela kuli yo Ki mañi?” Taba ye kaufewa ki yañi? Kana u kutumanine ni kubala Mañolo? U nahana kuli Yo ki mañi? Kana ki minahano ya butu fela? Kana ki nto yeñwi ya mwa lihalupa kokuñwi, sina mo ne ba bulelezi bona, “Joani neli mutu, wa mishitu, yana cimbeka batu mwa mezi kulo kwani.” Fani, Isaya hana bulezi kuli ukaba kwani, mutwaaleti. Malaki na bulezi kuli u kaba teni ona cwalo luli ka swanelo. Bapolofita bani nebaize, “Mupolofita yo uka taha a to li twaaleta.” Mi ki yo na li fa.

²⁰⁹ Se bali, “Yani ki mutu wa mishitu. Muinele kwahule ni yena. Mwabona? Musike mwa ba ni sa kueza ni yena.” Mi fa kutaha Mesia, ona cwalo fela Mañolo mwa na bulelezi, “Kuli Na ka kena mwa munzi apahami mwana mbongolo. Ya musa mi ya ishuwile, apahami mwana mbongolo, inza taha mwa munzi, kuli Mañolo a talelezwe.” Mi fa kuyemi sicaba kwa mukiti wa bulapeli hape, sina Balaami, kwa mukiti wa bulapeli, bali, “Ki mañi yoo?”

²¹⁰ Mi kacenu, Mañolo asepisizwe hola ye, balikani, A talelelizwe ona mwahala luna hola ni hola. Wena u nahana kuli Yo ki mañi? Ha lu ituteñi Zona halu inamisa litoho zaluna.

²¹¹ Mulimu Yomunde, kaufela lu nahana handende, ka butungi, kakuli luswanela kueza se. Si mwa mazoho aluna, Mulena. Lwa Ku bona, wena Mulena yomutuna. Lu bona sepiso ya Hao ya Linzwi. Lubile lu libelezi taba ye fa lilimo, kuli nako yabutokwa

ye itahe, yona yelupila kuyona cwale. Lu bona Linzwi la Hao lelitozizwe mwa sicaba sa Hao, kupila ona Cwalo, kuya fela ka So bulez i kuli si ka ezahala. Lu bona sikwata sa Satani si tozizwe kwani. Mi lu Li swanisize mwahala naha, kuya ni kukuta kwa ni kwa mwa Linzwi, konakuli hakuna kuba nihaiba licwe li liliñwi le li ka siyala. Hani zibi Bo supelize kwa bupilo, Mulena. Ha ki musebezi wa ka kuziba cwalo, wo ki musebezi wa Hao. Kono ki musebezi wa ka ku shimbulula licwe kaufela. Mulimu, ni tuse, tusa ni batu babañwi baba lumela cwalo. Shenyisa licwe kaufela, Mulena, kuli kaufela bao Uketile ba li utwe.

²¹² Lu bata kubona kutaha kwa Hao, ona mwa lusika lwa luna loo, Mulena. Lwa lumela cwalo. Lu lumela kuli–kuli kuna ni yeñwi, yebizwa Labufaifi la Nzalu, Labufaifi Lelinde ni Labufaifi la Nzalu, lelisa taha. Kukokotelwa kwa Keleke ya Hao, kono tulo ya luna ha U taha unzo pahami.

²¹³ Lu lapela, Mulimu, kuli U fuyole, kacenu, sicaba sa Hao. Fuyola keleke nyana ye. Fuyola mulisan'a yomunde yo ni mwana hae kwanu, Muzwale Outlaw ni—ni mwana hae; bubeli bwa Jimmy Sr. ni Jr. Fuyola mañi ni mañi yaali moo.

²¹⁴ Mulimu, lu si ke lwa taha fela kwanu kakusasana cwana . . . Nina cwale Ni . . . Ni si ke na ya kwa Tucson kuyo kalisa fela . . . Kambe Ni na ni litohonolo la kuambola kwa sicaba sesiñwi, Mulena, ne—ne si ku—ku lumbeka nto isili kwanda Mutu yo, yena yoo sicaba si sweli ku komoka. Ba ziba kuli mutu hakoni kueza se. Ba ziba kuli lifitelezi ngana ya mutu ka kuziba lika zee. Kono sicaba sili, “Ki sikamañi seo?”

²¹⁵ Mulena, lu ziba kuli Ki Wena. Ki Jesu Kreste, ku mutu wa Moya o Kenile. Ki yena Moya o Kenile. “Ni zwile ku Mulimu. Ni ya ku Mulimu.” Mi lu bona Siita sesituna sa Mulilo mwahala luna, Mulena, nto yeswana sina mo ne ba ezelize kwa kalulo yapili ya Bibele ni Mushe. Lu Li boni mwahala Bibele fani Paulusi ha nali mwa musipili wa hae kuya kwa Damaseka. Lwa Li bona. Cwale fa lwa Li bona kwa nako ya maungulo hape. Zetalu ki tiisezo. Ibile Liñusa ka nako kaufela.

²¹⁶ Mulimu, baana ni basali basike ba swalelela kwa lizo ni lituto za litumelo. Kono ha ba zwe mwa lika zeo, bafe bupilo bwa bona ka kutala ku Mulimu ni kulumela; mi basike ba yendamena fela mwa lituto za batu za kuikupulela fela, kono ba sepe ku Mulimu Yapila. Mazazi a pumulo a asweli kuzwelapili cwana, muhuwo u sa utwahala: “Ki mañi yo? Ki sikamañi? Kana ki zañi ze kaufela?” Batu ba bulapeli ba bulela lika zeswana zeo. Mi Ki Mulena Jesu yaswana, ya ezizwe nama mwa sicaba sa Hae, inza toza Linzwi la Hae ku Munyaliwa. Mi ha ba Li utwisisi. Ba keni hahulu mwa butungi bwa Laodesia, kufitela mane ba palelwa kuziba sika Tenyene. Kono mupolofita naize, “Ku kaba Liseli ka nako ya manzibwana.” Kacwalo he lu Li libelezi, Mulena. Taha, Mulena, ufuyole mañi ni mañi.

²¹⁷ Ka litoho zamina ze inami cwale, ni lipilu zamina. Mu lumela kuli ye ki Niti? Mwa lumela? Nanula fela lizoho la hao, ni kubulela kuli, “Na lumela luli kuli yeo ki Niti, kuli lupila mwa mazazi a mafelelezo. Luteni mo cwale mi Ni lumela kuli lu lyangani luli . . .” Nemuliteni kwa mukopano zazi leliñwi, fani buloto, litaka . . . Mu lemuhibile, ha lu si ka ba ni kopano yelatelezi mwa mulaho wa se. Ni bile ona ni mulisana wa mina nako kaufela, mwaha ni mwaha. Hañata, ibanga fela lilimo zepeli kamba zetalu kipeto ya ikongakonga. Ha i si ka ongaonga ka nako yee. Haikoni. Sikapi si yebuhile kwa Teni, kono hakuna zwelopili kuzwa fani. Buloto, bulumiwa bu fetuhile sina mo ne buinezi kwa simuluho. Ki Jesu Kreste mwahala luna, mulikani. Isiñi mutu, kono yena Mutu Kreste Jesu yapila ku wena, mi utabela kuba siemba ku wena, ni wena kuba siemba sa Hae. Kana hauna ku Mu amuhela kacenu?

²¹⁸ Kana kuna ni yomukana kulo mo ya si ka amuhela kale kolobezo, ya Moya? Cwale, mu li, “Muzwale Branham, Na ku bulelela, Ne ni huwile nako yeñwi.” Zeo ki zende luli. “Ni bulezi ka malimi hañwi.” Zeo ki zende luli, ni zona. Kono niteñi zeo ha ki zona ze Ni ambola fateni. Ukona cwani kuhuwa ni kubulela ka malimi kono inge ulatula Linzwi? Bupaki bwa Moya o Kenile ki kulumela Linzwi la Hae. Kamita kicwalo, lusika lufi kaufela, haiba ukona kuamuhela Linzwi. Baprisita Jesu na ba fitela kwahule ka limaili ze lule lule ha litaha ku za miselo ya Moya: pilu yebunolo, ni kozo, ni musa, kuishuwa. Na shandaula likeleke, ku ba lahela kafoo; ni ku lelekela batu bande, ni ku ba biza kuli “linoha mwa bucwani” ni lika zeñwi. Mwabona? Kono Na li yena Linzwi lani. Na li yena Linzwi lani. Kona cwalo: mulumele Mulimu. Mulimu ki Linzwi. Mulumele Cwalo.

²¹⁹ Haiba ha u si ka amuhela kale kolobezo ya Bukreste, kuna ni lisa kwanu. Wa li kuba u amuhele Moya o Kenile waniti haisali, okona ku kutusa kuziba kuli Linzwi la Mulimu kaufela ki la Niti; u kabulela, “amen” ku Lona ni ku Li lumela ka pilu ya hao kaufela, kipeto wakona ku U amuhela kakusasana cwana. Mi kipeto hauna ku kakanya kuli Yo ki mañi yaeza kuli sicaba sieze mo si ezeza. U ka ziba kuli Kinto mañi. Haiba hauna kutwisiso yeo, ubulele kuli, “Muzwale Branham, ni hupule mwa tapelo ya hao, mi Ni ka nanula lizoho la ka”? Mi u li, “Mi Nika—Nika . . .” Mulimu aku fuyole. Mulimu aku fuyole, wena, wena. Mulimu aku fuyole, kihande cwalo. Mulimuaku fuyole, kihande.

²²⁰ O Mulimu, pina ha nze iliziwa hamunati . . . Oh, Ki yomunde! Luli. “Muelezi, Mulena wa Kozo, Mulimu Yamata, Ndate wa kamita.” Ni lapela kuli U fe kwa sicaba se, Mulena. Ni kona fela kulapela. Kona fela ze Ni ziba kueza, ki ku ba kupela kватени. Ba nanuzi mazoho a bona. Ni eza sina mo ne Ni ba sepiselize, Ni lapela kuli U ba fe kutwisiso tuna yee; isiñi fela mufuta wa maikuto cwalo, kono ki kutwisiso ya niti; ku kopana ni Mulimu sina Mushe mwa na ezelize mwa sibaka sani mwa Kanya ya

Shekina; isiñi fela kwani, kono ba si ke ba zwa kwa Linzwi lani, bakene fela hande mwa Naha ya Sepiso ni Lona. Mulimu, lumeleza cwalo ku mutu ni mutu, kakusasana cwana.

²²¹ Kuna ni matuku mwahala luna kacenu, Mulimu. Lu lapela kuli U folise zeo. Folisa mutu kaufela ya kula, ya tokwile kaufela. Peta cwalo, Mulena. Ki ba Hai cwale. Ni ba fa ku Wena ka Libizo la Jesu. Amen.

²²² Mu ni swalele, Ni bile kulo fa ka lihola zepeli. Kono amutalime, muna ni manzibwana kaufela. Mwakona kuya kwa mandu mu yo ikatulula ni kulobala nyana. Kono musike mwa libala se Ni mi bulelezi. Ni mi bulelezi kuzwa kwa pilu yaka. Ni ziba kuli li utwahala bunca. Lilimo nyana kwa mulaho hane Ni tile mwa Phoenix mo ni mina sicaba, inge ni folisa bakuli ka tapelo ya tumelo. Ne ni si ka li tatulula, ne ni sa lati ku li tatulula. Ni talianga fela ni kubona se ba ka eza batu, kutilima fela malikanyiso ni lika zeñwi ze taha. Ibile nto yetuna kuli ni li lemuhe.

²²³ Kono cwale, Ni taha ku mina ni Liñusa leo sisupo so bonisize. Ki sikamañi seo keleke... Batili, ne i si ka ikongakonga. Kono ki sikamañi sene si ezahalile kwa likopano ka za ncafazo yee? Ki sikamañi sene ba ezize? Ba kenelela fela mwa Laodesia. Bolule nibo ule, ni ma billioni a madollar a sulelwa mwateni, mi fela... mi sa bile yomutuna mi ya fumile mane uyaha miyaho yefeza bolule ba ma milioni ka ma dollar ni lika zecwalo. Mi halitaha kwa ku amuhela Liñusa? Batili kutokwa. Ba Li kasheza kwahule. Ki sikamañi seo? Sikapi sa yebuha kwa buloto. Cwale buloto bu lukela kuba cwalo, kuli buinele Fapila Mwana kuli bu fetuhele kwa Evangeli yetezi, bubeke bwa gauda bwa Muluti. Kikuli hamuna ku Li lumela? Ki mañi Yo, nihakuli cwalo? Ki yena Mañi? Kana Ikona kuba mutu? Kana Ikona kuba keleke? Kana Ikona kuba kopano? Ki Jesu Kreste, ya swana maabani, kacenu, ni kuyakuile. Kana mwa Mu lumela?

²²⁴ Ha ni zibi cwale, ka milapelo nyana fela kasamulaho wa Liñusa le li buhali sina cwalo,... Kezeli, kucwani ka ku lufa mu—mu—mu munembo, ni munembo nyana fa, wa yani yeli *Na Mu Lata*. Kana mwa ziba pina yeo?

Na Mu lata, Na Mu lata
Kakuli U ni latile
Kuleka puluso yaka
Fa Kalvari ye bata, ye unsufezi.

²²⁵ Kikuli muka iopela hamoho nina? Kaufela mina cwale, ka milapelo fela. Fela—fela mu lapele nina.

Na Mu lata . . .

Cwale, muhupule, sina televishini, U mwa sibaka sa mina.

Kakuli U ni latile
 Ni kuleka puluso yaka
 Fa kota ya Kalvari.

Kana mwa ziba kuli sani ne sitalusa sikamañi? Kana mwa kona? Kikuli mwa utwisisa butungi bwa sona, sa Na ezize?

Na Mu lata . . .

Ha ni Mu boni, kono Utensi mo. Nina ni muhala nyana o ni amuhela ka ona za hae mo, kanto kakalikani fela kaka tabisa pilu yaka. Na ziba ka Mu bonisa. Utensi mo.

. . . ni latile
 Ni kuleka puluso yaka
 Fa kota ya Kalvari.

²²⁶ Cwale Ni bata kuli mueze cwana, halunze lu iñuñuna cwalo. Cwale, lu lyangan ha li taha ku selubile sona. Muhupule, makalelo aka neli a Katolika. Mwabona? Cwale, kaufela luna lu zwakani mwahali mo, kono lu zwile mwa lika zeo kaufela cwale. Lu ba siemba sa Kreste. Lu ba Hae. Cwale halunze lu opela cwana, halu fetuheñi fela kwa ni kwa mi lu itumelise mwa mazoho. Musike mwa nanuha. Ubulele fela kuli, "Mulimu aku fuyole, muzwale. Mulimu aku fuyole, kezeli," halunze lueza cwalo, mwa sibaka sa luli sa Bukreste. Ni lumela kuli Mulimu utabela ku lapelwa. Nji ha mu boni cwalo? Mu Mu lapele. Yena . . . Mulimu ki sibupiwa se si lapelwa. Mi lubata ku Mu lapela. Mi lu eza cwani . . . ? Mu latane yomuñwi ni yomuñwi. Mu lukela ku utwelana butuku . . . "Ka mo mu ezelize ku baa, mu ezelize ku Na."

²²⁷ Ha lu iopeleñi fela cwale, mi—mi luswalane mwa mazoho, ni kulapela ni . . .

Kakuli Yena . . .

Mulimu ami fuyole.

Oh, Na Mu lata, Na Mu lata
 Kakuli U ni latile
 Ni kuleka puluso yaka
 Fa . . .

²²⁸ Ha ni zibi, kana seo sa cisa mwa pilu ya hao? Kana kuna ni sesiñwi mwahali mwani se si—se si utwahala fela hande? Mwa ziba, muikutwa kuli mubata ku Si zwiseza fande ni ku Si kumbatela. Huh? Kana mwa ikutwa cwalo mwa lipilu ya mina? Haiba ha u ikutwi cwalo, mulikani, tokomela. U fa mubu o sabisa, mwabona, haiba hakuna lilato la niti mwahali mo, nto yeñwi yakuli, "Na Mu lata." Isiñi fela pina, kono ki buniti. U ni latile pili. Ne Ni kaba kai, kacenu . . . Ni na ni myaha ye fifite-faifi ya kupepwa. Bupilo bwaka bu ka tuha bufela cwanoñu. Mwabona? Mi se Ni . . . Ni lekile puluso yaka . . . Muzwale Trow, ki sikamañi seo wena . . . ? [Muzwale ubulela kuzwa mwa kopano. Hakuna manzwi fa tepu—Mu.]

²²⁹ Mu utwile bupaki bwani, “Kupiliswa.”

Kupiliswa ka mata a Hae a Bumulimu,
 Ni pilisizwe ka mayeho apahami!
 Bupilo cwale se buli bunde, tabo yaka i tezi,
 Kakuli Ni pilisizwe.

²³⁰ Kana uziba cwani? Moya waka upakelana ni Linzwi la Hae kuli Ni zwile mwa lifu kukena mwa Bupilo.

²³¹ Ni itumezi, Bakreste babande. Seo si ni eza hande. Ni tabela kutaha mwa sibaka se si cwana ko ikutwa kuli u mwa lapa. Ku tata kuli ni zamaye. Ni tundamena fela kunahana kuli, “Talima fa waci yani,” mi—mi Ni bona mwana ka wa musizana yainzi fani, inza ni sisinyeza toho, ni kutilimafafasi sina cwalo; mi—mi mwana ka wa mushimani, ya inzi fani, uli, “Kiñi—kiñi ze mu li sa liyela kanti?” Ha ni zibi. Ni tabela fela kuinanga bukaufi . . . mwa ziba. Ha ni zibi. Na lata kopano. Mwa ziba, Ha ni bangi ni yona kwa libaka zeñata (mwa ziba cwalo), ibanga yenyinyani ka nako kaufela. Koni Ni ziba kuli Ni sutelezi bukaufi kwani. Mwabona? Mi zazi leliñwi Ni ka kutaza kutazo yaka ya mafelelezo, ni ka kwala Bibele lwa mafelelezo. Ni ka ya fa musipili nyana ka nako yeo. Mutahéku to ni potela nako yeñwi ha Ni ta eza cwalo. Mu yo kambama kwani, mi lu ka ina felafafasi kuyakuile, ni kuambola sina Muzwale Carl ha bulezi, ni kupila kuyakuile.

²³² Cwale amutalime, balikani, Ni ka mi kupa nto yeñwi ye Ni bata kuli mueze. Cwale Ni mi bulukile kwahule ni mulalelo wa mina. Mwabona? Mi cwale, Muzwale Outlaw kuna ni sa ezize fa nako nyana . . . Yena ha ki hañata ha ezanga sika se Ni sa tabeli. Kono, na ni kolekezi nubu, mwabona. Ha ni zibi haiba alimuñwi wa bona wakona kuya kwa mulaho, ni kunga nubu yani kwa mulaho kwani, ni kuyema fa sikwalo. Mi mu ikungele yona muleke lico za manzibwana ka yona. Yeo ki mpo ye zwa ku na, ikutela ku mina. Mwabona? Mu eze cwalo. Mwabona? Zeo li kaba hande. Ki muuna yomunde. Yena kamita . . . Ali kuba . . . Ha ni yangi kwa sibaka kaufela kamba sika kaufela konji yena—yena aeze sesiñwi kuli a nituse. Wani kona mukwa wa hae.

²³³ Kuna ni muuna ya yemi fa; Na—Na saba kubiza libizo la hae, nakona ku filikanya maikuto a bona. Kuna ni muzwale yomunde ya sa zo timela fela uile kwa Kanya, kapili. Takazo ya hae . . . Na ziba kuli Ne ni lata mishitu, kacwalo na bata ku ni lekela mota ya jeep. Ne ni si ka mu lumeleza kueza cwalo. Mi kasamulaho amano ya, musala hae na bata kueza cwalo, mi ne Ni si ka mu tuhelela kueza cwalo. Kono bashimani babañwi ba taha hamoho ni kuya kwani . . . Mi—mi kuna ni muzwale yomuñwi ya tahanga kwa keleke ye, ali, “Muzwale Branham, Ni panganga likocikala za mushabati.” Mwa ziba, likoloj; kamba ze mubiza kuli *mumbeta* wa kubapalela. Mi ali, “Ni ka kuezeza silisiñwi.” Ne ni si ka mu lumeleza. Mwa ziba zene ba ezize bashimani bani?

Se ba eza si—si sikocila ni mumbeta wa kulobala ha ni katezi hamoho. Nali luba nibone o cwalo fateni.

²³⁴ Kuzwa kwa mukopano wa kwa Tucson busihu bwani, ba i zamaisa kuto punya mwa patelo ya ka, ni kubulela kuli, “Ye ki mpo yezwa kwa sicaba sa—sa Phoenix.” Mwabona, mane ne ba si ka ipeya mwateni bona, ne ba bulezi fela kuli, “Oh, ki luna kaufela hamoho, mwa bona.” Zeo ki... Oh, Ni—Ni ziba fela kuli haiba Ni kona fela ku yo fita kwa Lihalimu, Ni ka yo pila ni batu baba cwalo. Sani sa ni utwisa hande luli, mwa ziba, nto fela ye cwalo; zona zelikani ze... zeñwi.

²³⁵ Seo si ni eza kuikutwa cwalo ku Muzwale Outlaw fa. Muli, “Kihande, Muzwale Branham, Na fela...” Uzwele fela kokuñwi... mi ube ni sibaka sesiñwi kufitela uikutwa kuli ba ku lata, ni kuambola ku wena, ni kumbola za Jesu. Ni—ni ka sicaba sa... Kihande, mwa ziba, “Linyunywani za mafufa.” Mwa ziba, litabela kubanga hamoho ni kuambola litaba, ku kopana hamoho.

²³⁶ Mi Na—Na itumela ka zeo, kono Ne—Ne ni sa bati lineo, muzwale, kezeli. Na... keleke yaka ini fanga kapene nyana ka ma dollar a mwanda fa sunda mi Ni iketile ka zona. Kacwalo Na—Na itumela ka zona. Cwale haiba ufi wa mina ubata za kuca manzibwana, kihande, kuna ni ya kaba kwa mulaho kwani fa munyako mi u ce mulaleo ka tifo yaka. Mwa bona, ku kaba fela hande. Babañwi ba mina, Ni mi bulukile kwahule ni sico sa mina. Mwa Mu lata? Kona kuli mu lukela ku ni lata kakuli Ni siemba sa Hae. Mwabona? Amen. Kona libaka ha Ni mi lata. Mulena ami fuyole.

²³⁷ Halu yemeñi cwale. Musike mwa libala mikopano yaluna yetaha. Nako kaufela ha mu liteñi, muhupule fela, mutahe. Mu amuhezwi nako kaufela. Kana mu ka ni lapelela? Na—Na ni mutu ya tokwa tapelo. Kikuli muka lapela? Ki babakai baba kona kulemuha mutiyo, se Ni lukela kueza, ni lika ze li fapila ka? Mi Na ziba ze ka taha, ona kwabuse kwani. Mwa bona? Na kona ku libona sina mo Ni bonelanga lika zeñwi ha litaha. Na ziba ze taha. Mwabona? Kono hakuna nako ya kubulela ka zona. Ha lu amboleñi ka ze ezahala cwale. Kamuso lika iponela lona liñi. Mwabona? Kana mina... kikuli mu ka ni lapelela? Cwale, kana mu nanuzi mazoho a mina mu ka ni lapelela? Ku lukile.

²³⁸ Mulimu ami fuyole cwale. Ni ka kutiseza sebelezo ku mulisana wa mina yomunde, Muzwale Jimmy Outlaw. Mulimu aku fuyole, Muzwale Jim.



KANA MULI KI MAÑI YOO? LOZ64-1227
(Who Do You Say This Is?)

Liñusa le ka Muzwale William Marrion Branham, neli katalizwe lwa pili mwa Sikuwa la Sunda kakusasana, Ñulule 27, 1964, ili fa Jesus Name Church mwa Phoenix, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org